



सानसेयारि **“बड’सा”** खरीर्लाइयाव
स्माज्यादि जिज्जो लोब्बा थानाय रायथाय, बन्थाय,
स्ल’, स्ल’बाथा आरो दावबायादि थावनि, पार्क
बाइदिनि स्थायाव लिन्नाय लिन्दिबां हैथाय ठर/
सानसेयारि **“बड’सा”** खरीर्लाइया स्वेबस्त्रानाबै
फोस्वावगेन/
बड’सायाव लिन्दिन्नायनि हुबा खालाम,
“बड’सा” खरी नोथो, जो बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA★A Bodo News Daily★Tuesday★14 October, 2025 Kokrajhar, BTC, Assam★Vol.-35, Issue No.199★R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

दिनै बिटिसिनि 5 थि मावफुं आफाद गौथुमनि मावफुं सोद्रोमाफोरा समायखिरा लागोन

गिबि खेब सा 2 आइजो मावफुं सोद्रोमाफोरा थिसन जादों

कक्राझार, 13 अक्टबर: गसै सान्नाय-
हनाय, सानबोलावरिखौ फोजेबनानै सा 2
आइजोफोरजों लोगोसे सा 12 मावफुं
सोद्रोमाफोरनि फारिलाइखौ बिटिसिनि गाहाइ
मावफुं सोद्रोमा हाग्रामा महिलारिआ फोसावना
होबाय। बेजों लोगोसेनो बिटिसिनि 22
बोसोरार गोलाव साननि दावबायनायाव गोदान

जारिमिनआ सरजाबजाबाय। गिबि खेबनि
थाखाय सानै आइजो मावफुं सोद्रोमाफोरआ
थिसनजानाय फारिलाइआव जायगा
मोन्नायफोरनि गेजेराव बिटिसिनि दरबा
जिल्लाफोरनिफ्राय फारियै- कक्राझार
जिल्लानिफ्राय 5 नं शराइबिल गौथुमारि
बियाबनि मृत्युन्जय नार्जिरि, 1 नं पर्वतझरा

गौथुमारि बियाबनि मुनमुन ब्रह्म, 6 नं कचुगाव
गौथुमारि बियाबनिफ्राय रबिराम नार्जिरि, 12
नं सालाकाति गौथुमारि बियाबनिफ्राय
देरहासात बसुमतारि आरो 8 नं दतमा गौथुमारि
बियाबनिफ्राय प्रकाश बसुमतारि। चिरां
जिल्लानिफ्राय 15 नं काजलगाव गौथुमारि
बियाबनिफ्राय (□ 6 बिलाइआव)

गोजौ सोलौंथाइ लानानै साखिनिल’ लामा नायालासेनो गावखौ फसंथानो नाजानांगौ: भिसि ड॰ किशर भानुसालि

कक्राझाराव स्वामी बिबेकानन्द मुलुग सोलौंसालियाव गोदान फरायसाफोरखौ बरयदों



कक्राझार, 13 अक्टबर:
राइज्योआव जाय समव गोजौ
सोलौंथाइनि थाखाय फरायसा-
फरायसुलिफोरा गुबुन राइज्योसिम
थानो गोनां जायो बे समवनो
बिटिसिनि सदर कक्राझाराव गोदानै
गाइसनजानाय स्वामी बिबेकानन्द
मुलुग सोलौंसालिया गोजौ
सोलौंथाइनि गोबांथार फरा-

(□ 6 बिलाइआव)

एसआइटिआ सिद्धार्थ शर्मानि बथलिं कम्पानिखौ बन्द’खालामबाय

गुवाहाटी, 13 अक्टबर:
आसामनि हार्टथ्रब देखोगिरि
जुबिन गार्गनि रंजो सम्पत्तिनि रजा
जानो हानाय मेनाजार सिद्धार्थनि
गात्रि सानआ जागायजेनबाय।
दिनै समबाराव एसआइटिआ
सिद्धार्थनि बथलिं कम्पानियाव 5
घन्टा सिग्रोमनानै जेवथारनायाव
कम्पानिखौ बन्द’खालामो।
मख’नो गोनादि, 1 बोसोर सिगां
सिद्धार्थ आरो ससे लोगोआ बे
कम्पानिखौ जागायजेन्दोंमोन।
(□ 6 बिलाइआव)

जुबिन गार्गनि गोसोखांथियाव बडाइगावआव गोबां रावआरि खन्थाइगिरि जथुम खुंदों



बासुगाव, 13 अक्टबर: आसामनि मुंदांखा देखोगिरि आरो
आसामआरिनि हार्टथ्रब जुबिन गार्गनि गोसोखांथियाव गोबां रावआरि
खन्थाइगिरि जथुम (असम बहु-भाषिक कवि सन्मिलन) मैया
रबिबाराखलि मोनाबिलि समआव बडाइगावनि अल्ड कलनीनि आरडि
फाउन्डेसन हलआव गोसोखांथि सावरायथाइ आरो गोबां रावआरि
खन्थाइगिरि जथुमखौ खुंनाय जादों। (□ 6 बिलाइआव)

बाक्सानि एकलव्य आदर्श आवासीय बिद्यालयआव जेंना थासारि

एप्रिल दाननिफ्राय रेगुलार क्लास गैया, सरकारि जाग्रा मुवा जगायनाय गैया मोब्लिबनि बिल होनो हायैनि थाखाय मोब्लिब फोनांजाबनाया बन्द’जायो

मुसलपुर, 13 अक्टबर:
बाक्सानि एकलव्य आदर्श
आवासीय बिद्यालयखौ 2013 ई
माइथायाव मिरु सरकारिनि
सोलौंथायारि मावथांखिनि गेजेरजों
राइज्योआव थानाय थागिबि
सुबुंफोरखौ जौगाहोनो बाक्स
जिल्लानि दलबारीआवबो
गायसन्नाय जादोंमोन। थाखो
द’निफ्राय जिनैसिमनि



फरायसाफोरखौ एकलव्य आदर्श
आवासीय बिद्यालयआव
(□ 6 बिलाइआव)

डिमाकुसिआव आपकुनि जर’खा मावफुं मेल


जानांलिस्ट एक्स्ट्रिटेशन कमिटिनि मावफुं आफाद दानायनि दाबि



उदालगुरि, 13 अक्टबर: थानाय
10 जुलाइआव आपकु उदालगुरि
जिल्ला आफादआ उदालगुरि
जिल्लानि जिल्ला फोरमायथि आरो
सुबुं फोनांजाब बिबानगिरिनि
सिडव थानाय डिस्ट्रिक्ट जानांलिस्ट
एक्स्ट्रिटेशन कमिटिनि मावफुं
आफादखौ सोमोनांथावै माखासे
(□ 6 बिलाइआव)

महामाया हाग्रा ओन्सोलआव हाग्रा रैखाथि गौथुमआ सिगुन दाव सानख’दों

उदालगुरि, 13 अक्टबर: सिगुन दावआ आथिखालआव
मोन्नो थांबाई दाव। महामाया हाग्रा ओन्सोलआव दिनैसिमबो
मोनबांनो थाडे जाथो बिखुडव गुफुर गाब गोनां सिगुन दावफोर
दडा। आसामनि हाग्रा रैखाथि गौथुमआ बे सिगुन दावफोरखौ
सरेखाथि खालामनो थाखाय जर’खा हाबाफारि लाबोबाय
थादों। दिनै गौथुमआ महामायानि राजापार रेन्जआव सिगुन
दाव सरेखाथि खालामनो हाथावना मोनसे हाबाफारि
सामलायो। आसामनि हाग्रा रैखाथि गौथुमनि गाहाइ



सामलायगिरि ड॰ हरिचरन दासआ बेनि सोमोन्दै
फोस्मायदोंदि, गोजा बोथोर जानोसे समव सिगुन दावफोर
बाहा बोयो आरो बिदै दैनो गावसोरनि थासारिखौ
साजयनानै लायो। बेनिखायनो बे समआ बे दाजनि थाखाय
गोनांथार। आसामनि हाग्रा रैखाथि गौथुमआ 2011
माइथायनिफ्रायनो महामाया हाग्रा ओन्सोलआव मोन्नाय
बिखुडव गुफुर गाब गोनां सिगुन आरो हिमालयनिफ्राय
फैनाय हिमालयान ग्रिपन (□ 6 बिलाइआव)

आसाम राइफलसआ हादरनि गोहो आरो सोलायनाय लाबोदों : राइज्यो बेंगिरि

राइज्यो बेंगिरिया आसाम भेटेरिनारि आरो फिसारि मुलुग सोलौंसालिनि भिसि महैर ड॰ निरन्जन कलिताखौ समायखिरा लाहोदों

गुवाहाटी, 13 अक्टबर:
आसामनि राइज्यो बेंगिरि लक्ष्मन
प्रसाद आचार्यआ राजभवनआव
आसाम राइफलस (सान्जा)नि
इन्स्पेक्टर जेनेरेल हेड क्वार्टरआ
बान्जायनाय 2025 माइथायनि
आसाम राइफलस इन्भेस्टिसार
सेरिमनियाव बाहगो लादों। दिनैनि
बे जर’खा आरो गोथौथि गोनां



हाबाफारियाव राइज्यो बेंगिरिया
मोन 10 गभर्नरनि सनानि मेडेल,
मोन 33 गभर्नरनि सिलभार मेडेल
आरो आसाम राइफलसनि सा 30
रौनियाफोरनो मोनसे इडनिट
बाख्यायलाइखौ बिसोरनि हादर
सिबिनायाव गावखौ बाउसोमनानै
खामानि मावनायनि थाखाय
गथायदों। बे हाबाफारियाव बाहगो
लानानै राइज्यो बेंगिरिया आसाम
(□ 6 बिलाइआव)

दतमा जौगाखां खोन्दो मावखुलियाव सान्नेनि हाबाफारिजों आदी कर्मयगी अभियाननि फोरेंथाइ बादा खुंदों

कक्राझार, 13 अक्टबर:
कक्राझार जिल्लानि सिडव थानाय
दतमा डेभलपमेन्ट ब्लक एबा
दतमा जौगाखां खोन्दोनि
मावखुलियाव आदी कर्मयगी
अभियाननि गेजेरजों 10 आरो 13
अक्टबर, 2025 अक्ट’ खालि
सान्नेनि हाबाफारिजों ब्लक
थाखोनि फोरेंथाइ मावबादा खुंनाय
(□ 6 बिलाइआव)



ब्लक थाखोनि आदी कर्मयगी मावथांखिनि फोरेंथाइ होदों

गामिफोराव आदी सिबिथाइ मिरु गाइसनाय जागोन

कक्राझार, 13 अक्टबर: कक्राझार जिल्लायाव आदी कर्मयगी
मावथांखिनि सिडव थानाय ब्लक थाखोनि फोरेंथाइ आरो ब्लक राहानि
लेबआ दिनै थुगेबाय। थानाय 10 अक्टबरआव जागायजेननाय बे फोरेंथाइ
हाबाफारिखौ कक्राझार, कसुगाव, देबितला-बिटिसि, रुपसि-बिटिसि,
गसाइगाव आरो दतमा जौगाखां खोन्दोजों लोगोसे गसै मोन 6 जौगाखां
खोन्दोआव खुंनाय जादोंमोन। ब्लक राहानि लेबआव फोरेंथाइ मोन्नाय
भिलेज मास्टर ट्रेनारफोरा बे खेबनिफ्राय भिलेज नडाल अफिसारफोरनि
बिथोनाव गामियारि थाखोआव सांग्रांथि (□ 6 बिलाइआव)

बडाइगाव जिल्ला मुलुगनां हिन्दु गौथुमनिफ्राय जुबिन गार्गनिसिम मान बाउदों

बासुगाव, 13 अक्टबर :
असमीयानि हार्टथ्रब, मुंदांखा
देखोगिरि जुबिन गार्गनि जिड
गोमानाय आरो बिथोखौ साफ्राम
बावगारनो हायाखै। गुबुन-गुबुन
आफाद-फ सं थानफोरनि
बान्जायनायाव मान बाउनाय
हाबाफारिया खुंजागासिनो दं।
आसामनि साफ्रामबो सुबुंफोरनि
हार्टथ्रब, सुबुं अनफावरि,
सरसनस्त्रा गुरै गोसोनि गेदेमा
देखोगिरि जुबिन गार्गनिसिम मैया
रबिबाराखलि मोनाबिलियाव



बडाइगाव थीम पार्क आव
बडाइगाव जिल्ला मुलुगनां हिन्दु
गौथुम (बिष्व हिन्दु परिषद) आ
ओन्सोलनि साफ्रामबो राइजो-
राजाफोरनि हेफाजाबाव मान
बाउनाय हाबाफारि खुदों।
मोनाबिलिनि 7:00 रिंगायाव
आलारि बाथि फोजोडो बडाइगाव
(□ 6 बिलाइआव)

SINCE 1982

DAS JEWELLERS

J.D. Road Kokrajhar

LUCKY GOLD COIN DHAMAKA

बे दुर्गा फुजा आरो दनतेरासनि समाव 3 ग्राम आरो बेनि बांसिन सना
बायोब्ला, सा 15 बायगिरिफोरा 1 ग्राम सना देरहानायनि मोनसे खाबु
मोन्नो हागोन।

25 सेप्टेम्बर, 2025 निफ्राय जागायनानै 20 अक्टबर, 2025 सिम
नोथांनि केस मेम’खौ लानानै नोथांनि Lucky Draw Coupon खौ
लांफे आरो सना देरहानायनि मोनसे मोजां खाबुखौ ला।

This Durga Puja and Dhanteras, on Purchase of
Gold Ornament of 3gms and above, 15 Purchasers gets
a chance to win 1 gm Gold Coin Each.

Starting From 25th September, 2025 to 20th
October, 2025. Collect your Lucky Draw Coupon along
with your cash memo and stand a chance to win gold.

Ph: 03661-355618,
Cell No.: 8876631728

सुजुगिरिनि खोलोम

रां आर्जिनायनि लामाखौ

बिफां-लाइफांनि फुलि

जगायनानैबो लानो हागौ

थां

नानै थानायनि थाखाय गोबां लामा दङ

होनानै बुंनाय जायो। आबादनिक्राय लानानै बाइदिसिना खामानि-दामानिफोरनि गेजेरजेंबो थानानै थानायनि लामा दिहुन्नो हायो। आबाद होनोब्ला जॉनि मानसिक्रा दैज्लांनि माइ आबाद, मेसेंनि मैगं-थाइगं, सबाय-सिबिं-बेसर बाइदिसिना आबादफोरखौनो हमनानै लानाय जायो। नाथाय बेनि अनगायैबोदि-ना फिसिनाय, दाव-हांसो, बोरमा-अमा फिसिनाय, मैगं-थाइगंजों लोगोसे बाइदिसिना बिफां फुलि जावयैनाय, नारें लेबु, थाइजौ, लिचु बाइदिसिना फिथाइ-सामथायनि फुलि खालामनानै, गायनानै फिथाइ-सामथाय दिहुन्नानै थानानै थानो, नख'र सामलायनो खामानि-दामानि गैयै सुबुंफोरनो सरकारनि बिथिनिफ्राय मदत होनायनि राहा दङ। नाथाय बेफोर राहाखौ साबेसे बेकारफ्रा मोनफुंनो हादों आरो साबेसेया बेफोरबादि स्कीमनि गेजेरजें थानानै थानायनि लामा दिहुन्नो हादों होन्नानै सोंनायनिबो जाहोन गैया नडा दङ। अदेबानि बेनि मोन्दांथिखौ जायफोरा मावनानै जाबोदों बिसोरसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नायै बोथोरनि मैगं-थाइगं-फान्थाव, टमेट, कफि, फानलु बाइदिसिना मैगंनि फुलि जावयैनानै फान्नाय बादिनो- थाइजौ, नालेंखर, गय, नारें लेबु, लिचु, जाम्बुजों लोगोसे बाइदिसिना रोखोमनि बाथाम-तकथा हाखाव जाग्रा बिफां-लाइफांनि फुलि जावयैनानै बोसोर नाडै फान्नो हानायनि राहाबो लानो हासै। मानोना आधिकाल गोगो आरो सुदेम बारहावया मोनफुंनो हानाय बादियै आलांगा फोथारनिफ्राय लानानै लामा-सामा, न' उर्सुं, बारि-बागान जेरावबो बिफां मायनानै सोमखे खालामनो लादों बे बिथिडे फुलिनि चाहिदाया गोबां बांबोनो हमदों।

मैगं-थाइगंनि आबाद मावनानै मुलाम्फा जानाय बादिनो मैगं-थाइगंनि फुलि जावयैनानै फान्नायावबो मुलाम्फा दं। आधिकाल न'नि बारि-बागानाव बाइदिसिना रोखोमनि मैगं-थाइगं फोनानै मावनानै जानाय-फान्नायफोर बादि खालामनो हायाब्लाबो नख'राव जानाय सोलिनो आन्था रोखोम-रोखोम एफा-एफा मैगं-थाइगं गायनानै मावनानै जानायबो दंसै। दाव-हांसो, बोरमा-अमा, नाफोरनि बाश्नाया आलादा। न'याव जानो आरो माफा-मानै फान्नो हानायनि थांखिजों गामियारि नख'राव दाव-अमा, बोरमा, हांसोफोरखौ फिसिनाय जाखायो। नाथाय फार्म महरै फिसिनानै रांखान्थियारि बिथाखौ खोमथा खालामनो हानायनि राहाखौबो लानो रोंनांगोन। गुबैयै आधिकालाव दावदैनि चाहिदाखौ नायनानै दावदै दिहुन्नायनायनि फार्मबो गायसन्नो गोनांथि दं।

दिनैनि फान्जामुधि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क ङ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: हरखाबै माबाफोर मुवा-बेसाद मोन्नो हागौ। गोसोखौ गोजोन मोनगोन। मोजां सान।

बृष: माबा मोनसे गोरोप्यि हाबा मावफलांनो हागौ। सानै-हयै मावनांगोन।

मिथुन: गावनि रगाखौ हमथानानै दोन्नांगोन। जेंनायाव गोर्लेनो हागौ।

कर्कट: न' हाबनाय, न' गाइसन्नाय, खारखाना फसनांनै लानो हागोन। दिनैनि सानआ मोजां।

सिंह: माबाफोर बेरामआव गोर्लेबायनो हागौ। जैरैबो सांग्रां जानानै थानांगोन।

कन्या: गोसो सिङाव माखौबा लानानै गिखांनाय मोन्नो हागौ। गोसोखौ लोरबां लानो नाङ।

तुला: देहायाव जोखोमफोर मोन्नो हागौ। जेथिबो सांग्रां जानांगोन। गोसोखौ हमथा।

बृश्चिक: जायखि जेखि जाया शुभ हाबा मावनो हागोन। दिनैनि सानआ मोजां। गोजोन मोनगोन।

धनु: नख'र संसार जानायाव गोजोन्नाय गैयै सोमजिनो हागौ। गोसोखौ हमथा।

मकर: सोरनिबा थाखाय दुखु सैनांनो हागौ। गोसो हमथानौ सोलिनांगोन।

कुम्भ: फारफ्रोमथिबो जिंगा सिनांनो हागौ। गोजोन्नाय गैयैजों सम बारहोनांगोन।

मीन: मानिबा थाखाय गोसोखौ शान्ति गैयै मोनखानो हागौ। गोसोखौ हमथा।

रोदोमखांनाय फाइलि

अरदाब

–जैस्त्रि बर’

– सोर सोर थांनो

ऑंखारखो ?

सेरसेनि जखा

माइरंजों आलु सेरसे, सामब्राम

दरनैसो, फानलौ एसे, फानथाव

थाइथामनि थफला जुयै जुयै

सोंनायसै बिलाइस्त्रिया

अरगाखौ। गुबुन मोनसे लेखा

फिसायाव संखै आरो हालदै

जुदों। बथल फिसायाव थाव गुबै

सोदों।

–देगावआबो थांफानो

ऑंखारबाय। नडाबालाय जों

साब्रै जाखाबायमोन। थखर,

मिजिं बिफा आदा हबगा,

आमाइसो लावदाब।

सिखा खंखाइखौ

अन्थाइयाव उंनै उंनै फिननायखौ

होनायसै अरगायाबो। मना

गांसेयाव सिखा खुखि गंसे

उनानै सोना लाखाबाय।

मनायाव गामसा गांसे, सिमा

सि गांसे, गस्ला गांसे, दिरं

सोनानै खर 'खौ फालि

खावखानानै लाबाय बियो।

बिनि उनाव बिलाइस्त्रिया

होनाय गुबुन गांसेबाव मनाखौ

साइखेल केरियाराव होबाय।

–बबाव थांनो

नागिरदोंलाय आफा मोनहा ?

लामायाव लोगोफोरजों

गेलेबाय थानाय स्त्रि बोसोरनि

देतसुंआ बिमाखौ सोंफैनायसै।

–हाग्रायाव थांनो ऑंखारदों

आरो ना लायनो।

बिमाया फिनो।

–ए.... माथो जेखौनो

लायाखे ? देतसुंआ सोंफिनो।

–जेखौ नोमबौ

लावदाबनिखौ लाबाय। बिना

गोबां मोजांथार जेआ, गोदानबो।

नोमायं हबगाया खुसिया सुलि

लाबाय। नोमथै थखरा खबाय

आरो सिखा फालथांगा लादों।

नोमाइ देगावआसो मा मा लानो

नागिरखोथाय। जेआ बिनावबो

दंमोन दंनायालाय। अरगाया

फिसाज्जलानो फिननाय होयो।

–मोजाडैथांलै आफा, मैया

खंखरमोननि टिभिंयाव बेबादि

हाग्रायाव थांनायफोरखौ

पुलिसआ हमनानै लांनाय

खिन्थादों। नोंसोरबो पुलिसजों

हमजाब्लासो ?

बिफाया साइखेल केरियाराव

दैखांखानाय मनाखौ खेबसे

ओरेंनो सा सा नायनानै बुंबावो

सम्पतिखौ फान्नानै इउक्रेननो हाथियार हरनायनि सायाव इउरपिय हादतफोरा गनायथि होबाय

गोदान दिल्ली, 13 अक्टबर : इउक्रे ननि राजथावनि विवभआव थानाय शुक्रबारखालि रासियानि उरां जाहाजजों गगलोबनायाव जाय 8 लाख बाहायगिरिफोरनि न'फोरनि मोब्लिब जगायथाइआ सिलिंखार जादोंमोन, बेखौ थांनाय शनिबारखालि जागायना

होफिनबाय। लोगोसे सहयव दै आरो गेसनि जगाइथायाबो जागायबाय। बेनि गेजेरजों रासियानि जब्द' खालामनाय गोबां आर'ब डलारनि सम्पतिखौ फाननानै बेनिफ्राय मोननाय धोनजों इउक्रे ननो दावहानि थाखाय हाथियार हरनायनि सायाव इउरपिय

हादतआ गनायथि होयो। बेरा फारसे इउरपनि बिथांखिनि सायाव रासियाआ गोखोंडै हेंथा होखांबाय। फ्रान्सनि हादतगिरि इमानुएल मैक्रनस ब्रिटेनि गहाइ मन्थि किडार स्टार्मर आरो जार्मानीनि चेन्सेलर फ्रेडरिक भर्जआ जुथाइ बिबुंथियाव रासियानि जब्द' खालामनाय

नेपाल जेलनिफ्राय खारनाय सन्देह खालामथाव पाकिस्ताननि आइजोखौ त्रिपुरायाव ग्रेप्टार खालामदों

गोदान दिल्ली, 13 अक्टबर: खोला त्रिपुरानिफ्राय सासे 65 बोसोर बैसोनि आइजोखौ ग्रेप्चर खालामो। बिनि सोमोन्दै सन्देह खालामनाय बायदिल्ला, बियो पाकिस्ताननि नोगोरारि आरो नेपालनि जेलखौ बुफायनानै भारतआव हाबफैदों। बे आइजोनि सायाव फेग्रा बेसादफोरनि स्मर्गिंआवबो लोम्बा दङहोन्ना सन्देह खालामदों। सबरुमनि पुलिस बिबानगिरि नित्यानन्द सरकारआ फोरमायोदि, बिनि मुङ लुङ निगहत आख्त्तार बान'। बिखौ सबरुम रेलवे स्टेशनाव राजकीय रेलवे पुलिसआ जिम्मायाव लायो आरो उनाव जेरा सेबनो थाखाय जायगानि पुलिस थानानो गथायना होयो। बियो सिमना बारनानै बांग्लादेश थांनायनि थांखिजों बेयाव फैदोंमोन होन्ना सन्देह खालामनाय जादों। पुलिस आरो गुबुन रैखाथि एजेन्सिफोर बिनि हाबाफारिफोर आरो थांखिफोरनि सोमोन्दै खौरं बुथुमनो थाखाय बिनाव जेरा सेबगासिनो दङ। जागायजेन्नाय जेरा सेबनायाव मिबथिनो मोनोदि, आइजोआ नेपालनि गंसे जेलनिफ्राय खारदोंमोन आरो बिहा पाकिस्तानजों सोमोन्दो थानो हागौ। आथिखालाव बिनि नोगोरारिनि सोमोन्दै दासिमबो खौरं मोनाखे। बिनि सिनायथि आरो बेकग्राउन्डखौ मिबथिनो थाखाय

गोदान दिल्ली, 13 अक्टबर : आमेरिकानि टेनेसिनि गुलि-बारुद फेक्टरि बेरफ्रुनाय जाथायाव सा 16 सुबुंफोरनि जिउ गोमादों। शुक्रबारखालि बे बेरफ्रुनाय जाथायनि उनाव हम्फ्रज काउन्टिनि

शेरिफ क्रिस डेभसआ गिबि खेब थैनाय सुबुंफोरनि अनजिमाखौ खौरं होदों। गिबियाव बिबानगिरिफोर सा 19 सुबुंफोरनि गोमाना थानाय बाश्ना बुंदोंमोन। बेरफ्रुनायनि जाहोनआ दासिमबो रोखा जायाखै। नायबिजिरिफोरिफोर फोरमान बुथुमगासिनो दं। बबेखानि शेरिफ क्रिस डेभसआ बुदोंदि, सा 16 सुबुंफोरनि नख'नो बिसोरनि सुबुंफोरखौ जिउ गोमाबाय होन्ना खौरं होनाय जादोंमोन। बेनि सिगां बिथाङ बुंदोंमोनदि, सिग्रोमनाय अपोरशनाव बयखौबो जिउ गोमानाय मोनार्थनि उनाव मिजंआनो जेबलांबाय होन्ना बुंदोंमोन। सान्थिफोरनि थाखाय बेरफ्रुगा मुवा जागायनाय आरो नायबिजिग्रा कम्पानिनि एक्ज्युट एनार्जेटिक सिस्टेम्सनि फेक्टरियाव बेरफ्रुनायनि उनाव 800 मिटारनि ओन्सोलआव बायफ्तेजोबदोंमोन आरो 24 किल'मिटारनिखुइबो जानसिन बेरफ्रुनायनि गोहोमखौ मोन्दांथिदोंमोन।

हमजाब्लासो....'' फिसाज्जलानि बाश्नाया खेबसे रि'खांफिनबावदों अरगानि खोमायाव। गथ' मानसि, खुगा रेजें। बबे समाव मा बुंनांगौ जेबो मिथिया। नाथाय बाश्नाया नंखायबोथ' नडा.... अरगाया सानलाडो। बावैसो सान सिगाङाव गावसोर गामि सेरनिनो साब्रै मैहुरारिफोर हमजानायनि बाश्नाखौ बिसोरबो खोनादों। नाथाय अरगामोनहाथ' मै एबा गान्दा गावा। बिसोर नासो सारगोन। बेनिखायनो गिनांगौ गैया होननानै बोलो फोरादों बिसोर। मोनासो हाग्रा। मोनासो हाग्रा सेरावनो अरगामोननि गामि। गोदानै थाफैनाय गामि। गोदानै माने बोसोरबासो जाबायगोन। बेनि सिगां अरगामोननि गामिया दलहापारामोन। दलहापारायाव बिदा-फंबाय साब्रैजों जि बिघा हाखौ रानलायनानै जुदा जाजोबबायमोन बिसोर। अरगाया थामथि फिसाज्जला। गुबुन बिदा सानैबादि अरगाया बारा फरायाखिसै। थाखो स्त्रिसिमल' फरायनानै हालुवा जिउखौनो गोबानानै लादों बियो। फंबाय नारखोआसो मालाय आं गिदिर मानसि जाथारगोन होननानै बुरजा फरायथारदों। दा बियो फरायसालिमानि बिबुं'गोरा। गामिनि हा-हुखौ फाननानै सोहोराव थाहैबाय। अरगानि फिसाजो गिदिरा बिबथैनावनो मावग्रा जानानै थाहैबाय। बिबथैआ फरायनो होदोंमोन। नाथाय मेलेमानो गैथारा। थाखो स्त्रियावनो खेबथाम फेल जादों। उनाव मावग्रा गुबैखौनो जानानै थाहैबाय बियो बिबथैनाव। नैथि फिसाजोयाबो बिबैमोननाव (बिमानि बिमा) थानानै फरायगोन होननानै बिबैमोननाव थाहैबाय। दा नख'राव गावसोर बिसि-फिसाइ आरो फिसाज्जला देतसुं। सानसे गामियाव आराव जादोंमोन ''नै मालाय बयबो हादान खुलिहैसोलायबाय। सिबिं बेसरा मोजां जाथारदोंनो। मानसिसे गोजौ गोजौ बिफां, फिथाइयाबो फिथाइ आजां गाजां। थुदो जौहाबो हादान सिफायहैदिनि। जेबो अखांखल गैयाया जाहैदों। मुला बेदरफ्रा मैदेर हाथा बादिखा (5 बिलाइआव)

नेपालआव जेन-जी धर्नाफोरनि उनाव सा 540 भारतीय कैदिफोरा जेलनिफ्राय खारदों

गोदान दिल्ली, 13 अक्टबर : जेन-जी लाइमोनफोरनि धर्नाफोरनि उननिफ्राय नेपालनि गुबुन गुबुन जेलफोरनिफ्राय गासै सा 540 भारतयारिफोरा खारो। बे भारतयारिफोरा नेपालआव जिउ जोबजासिमनि साजा भुगिनांगासिनो दंमोन। नाथाय धर्नाफोरनि समाव खारदों होन्ना जेल सामलायगिरि बिफानआ थांनाय रबिबारखालि खौरं होयो। मख'नो गोनांदि, 9 सेप्टेम्बराव सरकारनि हेंथायै जेन-जी धर्नानि नैथि सानाव नेपालनि गुबुन गुबुन जेलफोरनिफ्राय गासै 13 रोजानिखुइ बांसिन कैदिफोरा खारदोंमोन। गुबुन गुबुन दायफोरनि दायनिगिरि 5 रोजानिखुइ बांसिन नेपालनि नोगोरारिफोरबो खारनानै दं। बिसोरजों लोगोसे गासै सा 540 भारतयारि आरो सा 108 गुबुन हादतनि कैदिफोरबो खारनानै दं। बेनि जाहोनाव सरकार खारनाय केदिफोरखौ नागिरनो थाखाय एलाट फोसावयो। नख'र बिफानआ खारनाय कैदिफोरखौ गावबा-गावनि जेलफोराव रिपट खालामनो थाखायबो नटिस फोसावदों। सुर्लुनि बायदिल्ला, 1997 आरो 2012 नि गेजेराव जोनोम मोन्नाय सुबुंफोरखौ जेन-जी बुंनाय जायो।

AFFIDAVIT

I, LAKSHMI BRAHMA, aged about 42 years, D/O. Dwpak Brahma, W/O. Swmdwn Narzary, a permanent resident of **Village-Bamunkura**, P.O. Binyakhata, P.S. Gossaigaon, Dist.- Kokrajhar, BTC, Assam, PIN- **783336**, do hereby solemnly affirm and declare as follows:–

1. That, I am the bona-fide citizen of India by birth and permanent resident of above mentioned address.

2. That, my actual/correct name and surname is **LAKSHMI BRAHMA**, which is recorded in my Aadhar Card, Vide Card No.- **5717 9859 5179**, PAN Card, Vide Card No.-**CBMPB8092E** and other relevant documents.

3. That, in my Savings Bank Account of Assam Gramin Vikash Bank, Binnakata- Bhowraguri Branch, Vide A/c No.- **7132010020536**, wherein my name and surname has been recorded as **LAKSHMI NARZARY** instead of **LAKSHMI BRAHMA**.

4. That, I do hereby declare that both **LAKSHMI BRAHMA** and **LAKSHMI NARZARY** is the same and one identical person, who is none other but myself.

5. That, this declaration is made by me as a piece of evidence to submit it before the concerning authority for avoiding the confusion and also to rectify/correct regarding my name and surname as stated above and for doing needful purposes accordingly.

All the statements made herein above are true to the best of my knowledge and belief and nothing has been concealed therein.

आसामनि सिआइडिआ जुबिन गार्ग थैनायनि
केसआव सा 3 एनआरआइआव जेरा सेबदों

भारतआ इउएनटिसिसि
सम्मेलनखौ खुंगोन

गुवाहाटी, 13 अक्टूबर : आसामनि क्राइम इन्भेस्टिगेशन डिपार्टमेन्ट (सिआइडि) आ सा 3 आसाम फोलेरनि नन-रेजिडेस्ट इन्डियान्स (एनआरआइ) नाव जेरा सेबो, जायफोर सिंगापुरआव मोनसे गावयारि यट पार्टीआव बाहागो लादोंमोन। मानोना बे मुंदांखा देंखोगिरि जुबिन गार्गनि थैनायखौ नायबजिस्नायखौ गोखों खालामगासिनो दें। परिक्षित शर्मा, सिद्धार्थ बरा आरो गिअलेंसत नार्जारीआ समबारखालि जेरा सेबनो थाखाय गुवाहाटीआ थानाय सिआइडि गाहाइ मावख 'याव सौहैयो। बिबानगिरिफोरा बिसोरनियाव यट पार्टीआव जाथाइनि हराव गार्गजों लोगोसे



बिसोरनि सावरायनायनि सोमोन्दै गुवारै सोंथि सोडो। नायबजिस्त्राफोरनि गनायना लानाय बायदिल्ला, बे सा 3

बेबायदि मख 'जाथाव खौरांफोरखौ लाखियो, जाय गार्गनि हस्खाबै थैनाय थासारिखौ रोखा खालामनो हागौ। सुलुनि

बायदिल्ला, बिसोर सिंगापुरआव जानाय जर'खा हाबाफारियाव नुजाथिनाय सुबुंफोरनि मोनसे गुपनि बाहागोमोन, जायजों बिसोर देंखोगिरिनि जोबथा समनि साखि जानो हागौ। सासे गागि

सिआइडि बिबानगिरिया बुडोदि, एजेन्सिफोरा ट्रेजेडिसिम सौहैनाय समसिमनाखौ नायबजिस्त्रिफिनायनि सायाव खामानि मावगासिनो दें। नायबजिस्त्रनायनि उन खोलोबाव सिआइडिआ साब्रै असमिया अभिमन्यु तालुकदार, तन्मय फुकन, सुष्मिता गस्वामी आरो देबजित हाज 'रिक्कानो समन दैथाइ हरो, जायफोर बै पार्टीआव नुजाथिदोंमोन। बिसोर फैगौ सानफोराव जेरा सेबनो थाखाय नुजाथिनो हागौ। बेजों लोगोसे सिआइडिआ नोजोर लाखिनाय फुटेज, डिजिटेल फोसावदिं रिर्कड आरो फरेन्सिक फोरमानफोरखौ मोनो थाखाय सिंगापुर बिबानगिरिफोरजों लोगोसे खौरां शेरार खालामदों।



गोदान दिल्ली, 13 अक्टूबर: इउएन गोजोन मिशनफोराव सान्थिफोरनो बिहोमा होग्रा हादतफोर (इउएनटिसिसि) नि गाहाइफोरनि सम्मेलनखौ भारतआ 14 निफ्राय 16 अक्टूबरसिम खुंगोन। बेनि सोमोन्दै रैखाथि बिफानआ बुडोदि, बे सम्मेलनआव रैखाथि मन्थि राजनाथ सिंह, गुबुन हादतआरि मन्थि एस जयशंकर, गोजोन हाबाफारिफोरनि थाखाय

अवार गाहाइ नेहाथारि (इउएसजि, डिपिअ) जिन पियरे लेक्रुइक्सआ बाहागो लागोन। इउएनटिसिसिखौ सालायनायनि सेलेन्जफोर, नुजाथिनाय अलखदफोर आरो इउएन गोजोन गायसन्नायखौ गोखों खालामनायाव टेक्नल 'जि आरो ट्रेनिनि बिफावनि सायाव सावरायनो थाखाय मख 'जाथाव फर्म। इउएन मिशनफोराव बयनिखुइ देरसिन बिहोमा होग्राफोरनि गेजेराव सासे महैरै भारतआ नुजाथिनाय अलखदफोरनि

सायाव सावरायनो थाखाय आरो गोजोननि थाखाय शेरारखौ बुजिनो थाखाय गोजौ थाखोनि जथुम्मा खुंगोसिनो दड। भारतआरि सान्थिफोरा 14 निफ्राय 16 अक्टूबरसिमाव बे सम्मेलनखौ खुंगोन। बे जथुम्माया मुलुगआ नख 'रसे सान्नायखौ होबथायो। बे सम्मेलननि समाव रैखाथि गोनां धर्नाफोरखो खुंनय जागोन। बे सम्मेलनआव आल्जीरिया, आर्मेनिया, अस्ट्रेलिया, बांग्लादेश, बुटान, ब्राजिल, बरुन्डी, कम्बडिया, मिस्र, इथियोपिया, फिजि, फ्रान्सष घाना, इटाली, काजाकिस्तान, केन्या, किर्गिस्तान, मेडागास्कर, मालेशिया, मंगलिया, मरक्क, नेपाल, नाइजिरिया, पलेन्ड, रवान्डा, श्रीलंका, सेनेगाल, तन्जानिया, थाइलेन्ड, युगान्डा, उरुग्वे आरो भियतनामनि थान्दैफोरा बाहागो लागोन।

दुर्गापुरआव एमबिबिएस फरायसाखौ रेप खालामनाय
केसआव ममता बेनार्जीनि बिबुंथिया जेनायाव गोर्गलैदों



गोदान दिल्ली, 13 अक्टूबर: सोनाब बंगनि दुर्गापुरआव मेडिकेल फरायसाखौ रेप खालामनाय केसआ लान्थियै सुलुडव थादों। थानाय सानाव गिबि मन्थि ममता बेनार्जीआ बेनि सायाव बिबुंथि होदोंमोन, जायनि उनाव ममता बेनार्जीआबो सोंथिफोरनि बेंखनाव गोर्गलैयो। बिजेपिनि माखासे दैदेनगिरिफोरा ममतानि बिबुंथिनि सायाव बिखौ बेंखन्नो जागायो। सोनाब बंग गेंगरेपनि सायाव बिबुंथि होनायै ममता बेनार्जीआ हर गेजेराव फरायसाया हस्टेलनि बायजोआव माबोरै थाड होन्ना सोंथि दिख्दांदों। बेनि बे सोंथिनि सायाव बेरेखा दोलोया बेंखन्नो जागायो।

बिजेपिआ बिखौ हिन्जावनि मुडव कलंक होन्ना फोरमायो। बेनि गेजेरजों बिजेपिआ ममता बेनार्जीखौ बिबान एंग्लायनो दाबि दैखाडो। बिजेपिनि बुंनय बायदिल्ला, तृणमुल कंग्रेसनि गाहाइ ममता बेनार्जीआ भुगिनांग्रानि सायाव दाय जाबसिनगासिनो दड। जुदि बियो गात्रि समाव आइजोफोरखौ मदत खालामनो हायाब्ला बिहा राइज्योनि खुंथायखौ गावनि आखायाव लानायनि जेबो मोन्थाय थानो नाडा। सुलुनि बायदिल्ला, ममता बेनार्जीआ फरायसाफोरखौ हर गेजेराव बायजोआव ओंखारैनि आरज 'गाबजों। जर'खायै जाय फरायसाफोरा गुबुन राइज्योनिफ्राय सोनाब बंगआव फैनाय, बिसोरखौ हस्टेलनि नेम-खान्थिफोरखौ फालिनो थाखाय खावलायदों। सिएम ममता बेनार्जीनि बे बिबुंथिया दुर्गापुर रेप केसनि उनाव नुजाथिदों। मख 'नो गोनांदि, उरिष्यानिक्राय दुर्गापुरनि गंसे प्राइभेट कलेजआव फरायनो फैनाय एमबिबिएसनि फरायसाया जाग्रा आदार जानो थाखाय गावनि लोगोफोरजों लोगोसे बायजोआव ओंखारदोंमोन। बै समाव साथाम सुबुंफोरा बिखौ लांखारना जिनाहारि खालामो।

गोदान दिल्ली, 13 अक्टूबर : 24 घन्टानि गेजेराव मणिपुरआव कांलिपाक कमिउनिस्ट पार्टी (केसिपि) नि गुबुन गुबुन हान्जाफोरनि साब्रै सांग्रां उतखारिफोर आरो सासे पुलिस मावसुमाजों



लोगोसे सा 3 फेग्रा मुवा बेसादिन फालांगिरिफोरखौ ग्रेप्टार खालामनाय जायो। साब्रै उतखारिफोरखौ थौबल आरो बिष्णुपुर जिल्लानिक्राय ग्रेप्टार खालामनाय जादों आरो बिसोरनि मादाव सासेखौ महइंथेम महन

सिंह एबा परि मुडै सिनायथिनाय जादों। बबेखानि बिनिफ्राय हाथियार आरो गुलि-बारुद बोखांनो हादों। फारसेथिं राइफलमेन महम्मद वहिदुर रहमानखौ शुक्रबारखालि सोनाब इम्फल जिल्लायव ग्रेप्टार खालामनाय जादों। बिनिफ्राय 544 होबथा जानाय फेग्रा मुल्लिनि केप्पुल बोखांनो हादों। लोगोसेनो सान्जा इम्फल जिल्लानि सिडव थानाय खेरगाअ अवां लेइकाइ ओन्सोलनिफ्राय सानै ड्रग्स स्मगलारफोरखौ ग्रेप्टार खालामनाय जायो। अदेबानि बिसोरनिफ्राय 3 किल' हेरइन बोखांनय जादों।

सिंह एबा परि मुडै सिनायथिनाय जादों। बबेखानि बिनिफ्राय हाथियार आरो गुलि-बारुद बोखांनो हादों। फारसेथिं राइफलमेन महम्मद वहिदुर रहमानखौ शुक्रबारखालि सोनाब इम्फल जिल्लायव ग्रेप्टार खालामनाय जादों। बिनिफ्राय 544 होबथा जानाय फेग्रा मुल्लिनि केप्पुल बोखांनो हादों। लोगोसेनो सान्जा इम्फल जिल्लानि सिडव थानाय खेरगाअ अवां लेइकाइ ओन्सोलनिफ्राय सानै ड्रग्स स्मगलारफोरखौ ग्रेप्टार खालामनाय जायो। अदेबानि बिसोरनिफ्राय 3 किल' हेरइन बोखांनय जादों।

त्रिपुरानि 14 दाननि सासे हिन्जावसा
गथ'खौ माइथिलियाव फबनाय
थासारियाव मोनो हादों



धर्मनगर, 13 अक्टूबर: त्रिपुरा पुलिसआ 14 दाननि सासे हिन्जावसा गथ'खौ बुथारनाय केसआव नख 'रनि सोमोन्दो थानाय 44 बोसोर बैसोनि सासे सुबुंखौ ग्रेप्टार खालामो। बिबानगिरिफोरा थानाय शनिबार हर गेजेराव पानीसागराव थानाय बिनि न' खाथि मोनसे माइ आबाद थिल्लिनिफ्राय गथ'नि गोथै सहखौ बोखाडो। पुलिस सुलुनि बायदिल्ला, थानाय रबिबारखालि भुगिनांग्रानि बिमा-बिफाया दाय जाबसिनोदि, बुथारनायनि सिगां उन्दै गथ'साखौ जिनाहारि खालामदोंमोन। पुलिसआ दायनिगिरिनि सिनायथिखौ जयन्त उहीन (44) मुडै होदों, जाय भुगिनांनय नख 'रनिनो सोमोन्दो गोनां सोद्रोमामोन, जायखौ नख 'रआ थैनाय गथ'नि बिमायनि बिमाय महैरै सिनायथि होदों। पुलिसनि बायदिल्ला, उहीनआ सम-सम गथ'नि न'आव थाडोमोन। थानाय शनिबार बेलासियाव जेल्ला हिन्जावसाया हरनि जाग्रा आदारखौ जानो नेवसिगारो, अब्ला उहीनआ बिखौ बेरायल्लानो थाखाय लाना थाडो। बिमा-बिफायाबो गनायथि होयो, नाथाय बियो माब्लाबाबो फैफिनासै। माखासे घन्टानि उनाव बिमा-बिफाया जिंगायाव गोर्गलैना पुलिसखौ सांग्रा खालामो। बेनि उनाव बिबानगिरिफोरा ओन्सोलाव मोनसे नागिनाय हाबाफारि जागायो, जेराव पानीसागर पुलिस स्टेसननि मावसुमाफोराबो बाहागो लादोंमोन। नागिराया टीमआ माखासे घन्टा नागिरनायनि उनाव माइ थिल्लियाव माबा दोन्खोमानाय नुयो आरो बेयावनो गोथै सहखौ मोनो होन्ना एसडिपिअआ फोरमायो। बे जाथायनि उनाव उद्दिनआ खारो। बिखौ हमनो थाखाय पुलिसआ हाबाफारि जागायो आरो बियो आसामआव खारदोंमोन होन्ना खौरां मोनो। बेनि उनाव पुलिसनि मोनसे टीमआ बिखौ ट्रेक खालामनानै लआर आसामनि निलामबाजारव ग्रेप्टार खालामो।

No. CJM/BMA/2025/2933E

ADVERTISEMENT

Applications in standard form are invited from the candidates of Assam, for filling up of following vacant post in the establishment of Chief Judicial Magistrate, Baksa as per provisions of Chief Judicial Magistrate Establishment Service Rule, 1987 in the usual pay scale given below -

Sl.No.	Name of the Post	No. of vacancy	Category	Pay Scale
1	Chowkidar	1 No. (UR)	UR	Rs. 12000-52000+GP Rs.3900 (PB-I)

1. Candidate must not be less than 18 years or more than 40 years of age as on the date of publication of the advertisement. The upper age is relaxable as per Govt. norms.

2. Candidate must be an Indian citizen as defined under Article-5 and Article-6 of the Constitution of India.

3. Candidates must have registered their names in the Employment Exchange and the Registration is to be valid as on date of submission of application.

4. Candidates applying for the post of Chowkidar must have passed Class VIII. Candidates possessing educational qualification above H.S.S.L.C are ineligible to apply.

5. Candidates serving in Govt. Departments/ other Offices shall submit their application through proper channel.

6. Candidates shall have to appear before the Selection Board for interview/viva-vice to be notified in due course.

7. The intending candidates shall submit their application by enclosing all self-attested copies testimonials in support of their educational qualification, age, other qualifications, experience etc. The applicants shall mention their mobile numbers in the application form without fail.

8. Applications should reach the office on or before 31.10.2025. No applications shall be entertained after the last date. The appointing authority shall not be responsible under any circumstances for any postal delay.

9. List of provisionally selected candidates along with dates of interview/viva-voce shall be published in the official website of Baksa District Judiciary (<https://baksa.dcourts.gov.in/>) in addition to intimating the candidates through call letters. The candidates are requested to refer to website for further details.

10. The undersigned reserves the right to cancel , alter and modify any terms or conditions at any stage without any prior notice.

11. No TA/DA will be admissible for appearing inthe interview

Sd/-

Chief Judicial Magistrate

Baksa, Mushalpur

DIPR /D/BSA/201/14-Oct-25

No. B/HFD/33/5/Auction /2580

Dated Kokrajhar the 13/10/2025

SHORT SALE NOTICE

Interested individuals and parties are hereby invited to participate in an open Auction Sale of 02 (Two) nos. Timber Lots (Lot No.UR/UC/07 of 2025-26 and UR/UC/08 of 2025-26) Comprising 12.038 m3 of unclaimed seized Lali Sawm Timber. The auction will be conducted on 17/10/2025 at the office of the Divisional Forest Officer, Haltugaon Division, Kokrajhar as per Auction Notice No. 167, Dated: 10.10.2025

Sd/-Divisional Forest Officer,

Haltugaon Division, Kokrajhar

IPR(BTC)/C/2025-26/2975

त्रिपुरायाव बिएसएफ आरो एनसिबिआ 16
कौटि रां बेसेननि टेबलेट जब्द' खालामदों



आगरटलानि हेफाजाबजों थानाय रबिबार हर गेजेरव सेपाहिजला जिल्लायव मोनसे जुथाय हाबाफारिनि समाव गासै 16 कौटि रानि याबा टेबलेटनि गोबां बिबांनि बाख्रि जब्द' खालामो। गावयारि न'आव गोबां बिबांनि याबा टेबलेटनि

बाख्रिनि सोमोन्दै जर'खायै खोद खौरांनि सायाव नायबजिस्त्रानै बिएसएफ मावसुमा आरो एनसिबिनि बिबानगिरिफोरा कलामचौड़ा पुलिस थानानि मोन्थाय थानाय बक्सानगरनि सिमना ओन्सोलाव मोनसे गोखों हाबाफारि सालायो।

सान्जौफुनि 11:10 रिगानिक्राय लानानै फुनि 2:00 रिगानि गेजेराव खालामनाय बे अपारेसनार गेजेरा बक्सनगरनि थागिबि अमल हुसेननि बिसि लिपियारा खादुन (33) नि न'खौ नोजोर होयो। परिसरखौ आबुडै सिग्रोमनाय समाव जुथाय टीमआ न'नि किचेन ओन्सोलाव फबनाय गासै 16 पेके टखौ जब्द' खालामो। बेयाव गासै 1.6 लाक टेबलेटफोर दड; जायनि बेसेना आइन बेरेखा बाजारव गासै 16 कौटि। आथिखालाव दायनिगिरि लिपियारा खादुनखौ जिम्मायाव लानानै आइनआरि नायबजिस्त्रनो थाखाय एनसिबि आगरटलानो गथायना होनाय जाबाय।

भारतयारि सान्थिफोरा अरुणाचल प्रदेशआव नोगोरारि सान्थि मिश्रन खुंदों

सिगार, 13 अक्टूबर : भाले करनि स्पीयारहेट डिभिजनआ अरुणाचल प्रदेशनि इस्ट सियां जिल्लानि मेब साब-डिभिजननि सिडव थानाय सिगार मिलिट्रि स्टेसनार थानाय रबिबारखालि मोनसे मख 'जाथाव सान्थियारि नोगोरारि मिश्रण हाबाफारि खुंदों। बे हाबाफारिनि थांखिया भारतयारि आरो अरुणाचल प्रदेशनि नोगोरारि खुंथाइ गेजेराव बुजिलायनाय आरो हेफाजाब होलायनायखौ बांहोनायमोन। गाहाइ नेहाथारि मनिष कुमार गुप्ता, डिजिपि आनान्द महन, मेजर जेनेरेल



भिवेक बंशी (जेनेरेल अफिसार कामान्डिं, स्पीयार हेड डिभिजन) आरो गुबुन-गुबुन

बिफानफोरजों लोगोसे भारतयारि सान्थिफोरनि गुबुन मान गोनां सुबुंफोरा बे

सावरायनायाव बाहागो लायो। बे नुजाथिनाय सुबुंफोरा सुबुंथि आरो अलखद रेहाय

हाबाफारिफोर, सिमना ओन्सोलफोराव खौसैयै जौगाखांनय, सिमना दावबायनाय आरो समाजयारि-हारिमुयारि जौगाखां बायदि गुबुन-गुबुन बिथिंफोरनि सोमोन्दै सावरायो। बे समाव राइज्योआव आगुनि सान्थिफोरनि जौगाखांनि फारसे स्पियार कर्प्सनि नाजानायफोरखौ बाख्यायनानै बाहागो लागिफोरा आगुनि सान्थिफोरनि जौगाखांनयखौ बांहोनो थाखाय उफ्रा थांखिफोरनि सायावबो सावरायो।

नेरसोन

समायना बुहुमनि महर मुस्त्रि,
हाजो-हाला, बिफां-लाइफां, जिबिनि नेरसोन।
आरो नुस हायै लैथो-लैथोमा,
बिनो जादों मुलुगनि नेरसोन।
सानश्रहायै जिउ-जिबि उजिदों,
दानायनि बिदै आरो बेगें हारानि नेरसोन।
लंथायखुलि आरो अन्थायनि मुगा,
महरै दानाय जारिमिन माइथायनि नेरसोन।
अजन्त (लंरा) हाजो खंखरनि,
अन्थाय गोरोबथाव मुसुखा नेरसोन।
सानश्रहायै सुबुनि बुहुमाव आगान गोग्लेदों
सुबुं सोदोमस्त्रिनि रोंगौथिनि नेरसोन।
दावबायनाय दिडनि जिडनि दावहा,
थालाडो बुहुमनि सायाव नेरसोन।
राजखान्थिनि आरो समाजखान्थिनि
दोहोरोम खान्थिनि नेरसोन।
बोहैनाय सम बोहैनाय दावहायाव जायो ?
बुहुम बिखायाव उजिनाय नेरसोन।
बुहुमाव नुनाय जयै थानाय
बुहुम बिखानि नेरसोन।

मुस्त्रि नेरसोन बसुमतारि
गामि: 12 नं मालिगाव भुमका
ला:सो: बिसमुरि
जिल्ला: कक्राझार बिटिआर

गोर्बोनि अनजाली

नेनानै दंमोन आं बे अनजालीखौ खोथा होखानाय
बायदि। आं नोंखौ अराय सम बावनानै थाड होन्नानै।
नाथाय बे अनजालीआ दिनै आंजों
जाबाय मानोबा एरा एरा;
सानदोंमोन आं अनजालीखौ
आंगोनि असे लोगो होन्नानै।
नाथाय नों दिनै आंनि गोर्बोआव
बेसेबांबा दोहो दोहो जुजाइनि अरसो
सुना गालांबाय।
नाथाय मानो अनजाली सना ?
नाथाय गैया आंहा बारि बागान
ग्रोम ग्रोम गैया आंहा जोंब्लाउ
लाइनाय आरसि सि न।
थेवबो नाथाय आं नोंखौ आंनि बे गोबाइ
देराखौ नुहर नानै गुसुस्थि फेहेरनाइ नड
होन्नानै अराय सम थैस थांस हास्थाइ
बाय लादोंमोन सना।
नाथाय नों दिनै आंनि हास्थायनायखौ
बेमा सोंनाय बादिसो सोथेना दोनबाय
नेनानै दंमोन आं अनजाली सना नोंनि
फंनैसो राव लाइजामनि गेजेरजों,
नाथाय नेयै नेयैनो आंनि गोर्बो सिडव
खामगिलयो बेसेबांबा दोहो दोहो जुजाइ
नि अर बादि रोहो-रोहो।
अनजालीनि फिन गांसेबो लाइजाम मोनैयाव।
नाथाय आं सानाखैमोन सासे
अनजालीनि मोजां मोननाया
बारसे बारनाय गलाब बिबार
बादि दसेनि समाइनाल
होननानै।
नुयो आं सिमां मोकथां रैरुब
महर मोखांखौ निजोम हराव
उन्दुनायाव।
जाखां फैयो अनजालीनि हाइनारि
महरा आंनि गोर्बोनि फरदायाव साया माया।
नाथाय अनजालीआ दिनै आंनो
होलांबाय सुखुनो हायै दुखुनि दोहोसो।
फोजाव हरबाय बियो दिनै आंनि
गोर्बोनि मोजां मोननाय अननायखौ
बेसेबांबा गिदिर लैथोनि दोहौ
गेजेर गेजेर अनजालीया।
होलांबाय बियो आंनो दुखुनि
मोदै! आंनि दुखुनि मोदैया
आंनावनो थांथोंसै अनजाली।
होआ आं नोंनि गोसोआव जेबो
हँथा! ला नों बे अनजालुजों गोजोनैनो
नाथाय आं मोनथिआखैमोन नोंनि
मोजां मोननाया मोनायाव जोंनाय सांग्रेमा
बादि दसेनि थाखाय स्रां ल होननानै
नाथाय आं दिनै मोनथिबाय सासे
अनजालीनि मोजां मोननाया
बारसे गेवलां बिबार बादि ल।

मुश्री निखलास मसाहारी
जिला- कक्राझार बि टि सि आसाम

बिखाया गावयो खुगाया गेवा

बिखाया गावो खुगाया गेवा
गोसोनि खोथाखौ बुंनो हाया
बुंनो सानो नाथाय बुंनो हाया
नोंखौ नुब्ला हाइ स 'ना।
आंनि गोसोया गिनाय लाजिनायजों
फावसायना थायो।
नोंनि बे हायनारि महरखौ नुब्लाथाइ
फोरमायनोबोसो हालिया गोसोनि खोथा।
गोसोयावनो साबाय साबायल
खामग्लि जोबो आंनि गोसोया
दोहो दोहो रोमो रोमोयै।
आंनि गोसोनि बाश्राखौ
माबोला फोरमायनो मोन्नो
नोंनि सिगाडव।
हास्थायनाय गोसो आंनि नोंखौ
जेब्लाबो बावनो हाया जाबाय।

श्री अनसुला गोरा ब्रह्म
गामि: गम्भिरा काता
काजिगाव गोजौ फरायसालि
जिला: कक्राझार बि टि सि (आसाम)
ला:सो: काजिगाव

बर' बिमा

आं सासे बर' बिमा
जोनोम होदोंमोन आं गोबां फिसा।
सोरनिबा मुड जाबाय गार'
सोरनिबा मुड जाबाय राभा
सोरनिबा मुड जाबाय बानाय।
नाथाय आं नुनो मोन्नायाव
मालाय बिमानि फिसाफोरा
मुं मोनसेयानो जोव,
नाथाय आंनिया मानो गुबुन गुबुन जाखो ?
आं बर' बिमा
आंनि फिसाफोराबो गासिबो बर' जाजोबनांगौमोनना ?
दिनै आं मा खालामनो
बिसोरदि, आंनि रावखौनो
सोरबा सोरबाया रेंलिया
मानि थाखाय आंनि फिसाया बिदि जाखो ?
दिनै आं बिमा जानानै
माखासे फिसाफोरनि रावखौनो बुजिलिया।
दिनै आं गावखौनो सावैयो
आं मानो फिसाफोरखौ बिदि आलाय-सिलाय खालामखो।
हे गसाइ आंनि मोनसे अर 'ज
बिसोर गुबुन गुबुन मुंनि बिदा-फंबायखौ
मोनसे गोरोबथायाव लाबोदो
जाहाथे आंनि जिउआ गोजोन मोनो।

मुश्रि धन कुमार ब्रह्म
गामि: गम्भिरा काता ,ला:सो:-काजिगाव
जिल्ला: कक्राझार बि टि सि (आसाम)

सैया-सैया खालामो अनजालुआ आंखौ

नै अनजालु नों आंखौ
गोजाननिफ्राय नुब्लानो,
मानो एरा-एरा खालाम लाडो ?
मानिबा गोरोन्थि बुंफ्लांदों नामा आंलाय ?
ना माबाफोर दाय मावफ्लांदों नामा ?
दिनै नों आंखौ गारनानै,
गुबुनखौ लानो सान्दों नामा ?
बिदिब्ला नों मानो आगोलाव
आंखौ मोजां मोनामोन ?
दाना मानो सैया-सैया खालामखो ?
सानदोंमोन नामा नों आंखौ सान्नैसोनि,
थाखायल' मोजां मोनफ्लानो,
आंखौ फाग्लिसो खालामनो सान्दोंमोन नामा
नोंलाय अनजालु ?
आं नोंखौ थैनानै थांब्लाबो नोंनि,
महरखौ बावनो हानाय नड।
आंनि थायनै मेगनाव नोंनि,
महरा जेब्लाबो साया-माया गेले फैबाय थागोन अनजालु।
दाखालामसै नों आंखौ सैया-सैया।

मुश्रीमा सबानि नार्जारी
कचुगाँव पाब्लिक गार्लस हाइ स्कूल
भिलेज- नर्थ कचुगाँव
जिल्ला- कक्राझार।

रंजालि गथ'फोरनि सौरा

जोहोलाव बिखा : जारिमिननि सल'

बिर जोहोलावनि सल' खोनासं
बोहैनानै थांफा समनि दाहाराव।

सल' बाथा दाजाबनाय जारिमिन बिलाइयाव
राजा-रानिनि साहसनि खोथा लिरजाबाय।

सैथो आरो धोरोमनि लिरथि फोरोडो
बिर जोहोलावनि खोथा खोनासंनो।

दावहाथिलिनि सानदुंडव, थैजों गाब गानाय बार
उदांस्त्रिनि लामायाव दावगानाय दावहारु।

बावजाथाव नड जारिमिननि बराद
बिर गोहोनि साबसिन बिदिन्थि सोरजिनाय।

दिदोम जिउ खानानै, हायुंनि रैखा खालामनाय
बेबादि जोहोलाव जौनि गोरबोआव जायगा लाथों।

सम्राटफोरनि सासन समनिफ्राय लाना
गाँनधारी लैथो बिखायाव बुसावनाय सागरनि दोहौ।

हारिमुनि अमृतजों बुंनाय बे हादाबाव
सुजु जाबाय बिजाबफोर, खननाय मोसानायनि गहेना।

फिरंगी समाजनि बेरेखा
जोहोलाव-जोहोलावजोआ दैथायबाय जुजिनायनि खौरां।

हिमालयनि थिर्खिनिनिफ्राय लाना, गंगानि सेर-सेर
हादाबनि मुस्त्रिखौ खालामदोंमोन थैनि नोगोर।

जारिमिननि बे खन्थाइ, गासैबो खोनासं
सल' फोरमायो बेयाव बिर जोहोलाव भारतनि।

अननाय आरो गोजोननि बाश्रा खोनायो
बे सल'आवनो थाखोमाना दं जोगाथाइनि खौरां।

-कुमार बसुमतारि
1 नं बिक्रमपुर, लखिमपुर

लैथोनि रुगुंसिम

सिगांनाय आं बै लैथोनि रुगुंसिम,
हागोनदा आं मोननो बै गोसोनि हाबिलाखौ
लैथोनि फैलासेमखौ सौसि लानानैब्लाबो
नाजागोन आं मोननो बै लैथोनि रुगुंखौ।
सेर फाखाय-फाखाय
थेनि आबिरजों गेलेनाय बायदि
सारअन्थाय, अखा, बारहुंखाखौ नेवसिनानैब्लाबो
आंनि जिउआ जोबनानै थांब्लाबो
नाजागोन आं मोननो बै लैथोनि रुगुंखौ।
थिवरिया हान्जानि हर्खाब बेरफुहोनाय
बमानि अरजों खामग्लि होनानै हांगार जाहोनाया
लांदां बिखाखौ दोहो-दोहो खामग्लि होनानै,
दाहा होलांनायनि थाखाय
बिसोरनि फारसे खिथेल होखार फिननो
नाजागोन आं मोननो बै लैथोनि रुगुंखौ।

श्री दैथुन बसुमतारी
सिजौ सोलोंसालि (रे.) स्कुल
बिजनी।

समा दा बेसेबां जाखो.....?

ओइ़! आदा रामोन्दा
नों मिथिगौना
समा दा बेसेबां बाजिखो... ?

माथो बोथोरा दिनै गात्रिथार
सान्दुंबो नुजा हालिया
बोरै मिथिबावनो
समा दा बेसेबां बाजिखो.... ?

आफाया अफिसाव थांनो
समखौनो मिथिना मोनाखिसै
बुब्लिनि गेलेनायाव
समा दा बेसेबां बाजिखो... ?

आइआ बुंदों....
दाथांसै दिनै मावख 'सिम
नाथाय, आफाया गिदों
दिनै थाडब्ला मेनेजारा
सास्पेन्ट खालामगोन
अब्ला,
समा दा बेसेबां बाजिखो..... ?

श्री अनजाथाव बसुमतारी
सिजौ सोलोंसालि (रे.) स्कुल
बिजनी।'

गोरोबनै खन्थाइ

गैया जायहा जिउखां राहा
जिंगोर जिंगोर जायो दाहा

सुबुं जिउवाव दाहा दिखार
बिलिर फैयो जिंगोर जिंगोर

सुबुं जिउवाव बेराम आजार
जाबाय थागोन जिंगोर जिंगोर

हरदम समाव नड सुखु
मालाबा जानाडो दुखु

सुबुं जिउवा दुखु जारला
हरदम नड मिनिबाला

-रैदोम बर',
माजदिया, बगुलामारि,
बाक्सा

गोसोनि खोथा

(रमान्टिक खन्थाइ)

बुद्धिराम बसुमतारि
दियाबारि, कार्बि आंलं

आयनायाव थाबाय नों आंनि गोसोनि
लाबाय बजबना नोंनि मोगथानि सावगारि

सान गोरलैबायदि ददेरे नोंदि हायनारि
जानो हागौ गसाइआ सोरजिबाय आंनो।

नोंदि बालें लें सासे बर' सिख्ला आइजो
समायसोगारो बर' हारिनि साबना-हाबना हारिमु

नाथाय दिनैसिमबो जे हाया फोरमायनो
गोसोनि हासथायखुमानाय नोंखौदि आं मोजां मोनो।

जानो हागौ नोंबो बुजिबाय आंनि इसारा
नाथाय हायाखै नोंबो नोंनि गोसोनि खोथा बोफ्रुनो

आंनि गोर्बोनि बबेबा खनायावबोदि दड नोंनि महर
आंदि नायखुमायो होसारना गोसोजों नोंनि मिनिस्कु

माब्लादि गेवसारगोन आंनि नोंनि गोसोनि
बुंफुरनायनि गोसोनि खोथा माब्लादि सौग्रावगोन।

खाफालावबा दंना-गैया सानैजों गोसोनि
गोरोबलायनाय जुलिनि देंखोजों गोजोनै संसार जानो

नोंनिनो खोथा सानफ्लांना जेब्ला आं उनदुयो
अब्ला नोंदि फैयो सिमांनि रानि जाना आंनि खाथियाव।

कामरुपनि हकी हान्जाया इन्टार स्कुल टुर्नामेन्टआव मरिगावखौ फेजेन्दों



गुवाहाटी, 13 अक्टबर: इन्टर स्कुल आन्डार 17 हकी टुर्नामेन्टआव जागायजेन्नाय मेचनिफ्रायनो हान्जाफोरनि गेजेराव गोखों सेलेन्ज होज्त्तायनाय नुनो मोन्दों। बेबादिनो टुर्नामेन्टनि बेखेवजेन्नाय बादायनायाव गुवाहाटी नोगोरमानि मौलाना तायाबुल्लाह हकी स्टेडियामाव कामरुप मेट्रुनि हान्जाया मरिगावखौ 6-2 गलनि फारागआव फेजेन्नो हादों। बे मेचआव देरहागिरि हान्जाया जागायनायनिफ्रायनो गोखोडै दबथायनो हादों, अब्लाबो जेन्नांनाय हान्जाया माखासे समाव आवगायफिन्नो खाबु मोन्दोंमोन। बे मेचआव देरहानाय हान्जानि सिमन्त दासआ गरनै गल सोदों, जायनि फारियाव बिथाड हान्जानिफ्राय मयनुल हाक, पारुल आलि शेख आरो राहुल आलिनिफ्राय गरसेयै गलनि हेफाजाब मोन्दों। बेराफर्स, जेन्नांनाय हान्जाय मरिगावनि जानानै टी देउरी आरो कौसिक बरदलैआ गल सोदोंब्लाबो हान्जाखौ जेन्नायनिफ्राय रैखाथि होनायाव फेलें जाहैदों।□

साउथ केरलिनानि मोनसे बारआव गुलि गावनायाव सा 4 सुबुंनि जिउ खहा आरो सा 20 सुबुंफोरा जोखोम जादें

गोदान दिल्ली, 13 अक्टबर: आमेरिकानि साउथ केरलिना राइज्योनि सेन्ट हेलेना द्विपआव रबिबारखालि मोनसे बारआव गुलि गावग्लुंनायाव साब्रै सुबुंनि जिउ खहा जादें आरो सा 20 निखुइ बांसिन सुबुंफोरा जोखोम जादें। बे जाथाया भिलिज बार एन्ड ग्गिलआव मोनानि 1:00 रिंगासोयाव जादें। ब्युफर्ट काउन्टि शेरिफ अफिसनि बायदिब्ला, बिबानगिरिफोरा जेब्ला जायगायाव सौहैयो अब्ला माखासे सुबुंफोरखौ गुलि नानानै जोखोम जानाय थासारियाव मोन्दें। माखासे भुगिर्नानाय आरो नुग्रा सुबुंफोरा



साखाथिनि न’ आरो गलाफोराव खारलानानै गावसोरनि जिउखौ रैखा खालामनो थाखाय थाखुमाहैंदें।

शेरिफ बिफानअ सशेल मिडिया प्लेटफर्म एक्सआव बिबुंथि फोसावनानै बुडोदि, बेयो साफ्रोमनि थाखाय जोबोद दुखुनांथाव आरो गोब्राब जाथाय। जौ साफ्रोम भुगिर्नानाय आरो बिसोरनि नख’रजों लोगोसे दंफायो। नायबिजिरनाय

हाबाफारियाव सोलिगासिनो दङ। बबेखानि बिबानगिरिफोरा मिबथि होयोदि, साब्रै सुबुंफोरा जायगायावनो जिउ गोमादों, अदेबानि जोखोम जानाय सुबुंफोरखौ साखाथिनि देहा फाहामसालियाव थिसन्नाय जायो। बिसोरनि गेजेराव साब्रैंनि हालोदखौ जोबोद गोब्राब होन्ना मिबथिहोदें। नाथाय दासिमबो थैनाय सुबुंफोरखौ सिनायथिनाय जायाखै। पुलिसआ माखासे सन्देह खालामथाव सुबुंफोरखौ नायबिजिरसो जागायदें, नाथाय दासिमबो गुलि गावनायनि थांखि आरो जाहोनखौ मिबथिनो मोन्नाय जायाखै।



पाकिस्ताननो फिन्नाय होनानै गोखोडै सांग्रांथिबो होयो। आमिर खान मुत्तकीआ पाकिस्ताननो सांग्रांथि होनानै बुडोदि, आफगानआ गावसोरनि सिमना आरो माहारियारि रैखाथिखौ रैखा खालामगोन। बेनि जाहोनाव जों पाकिस्ताननि गार्लोबनायनि फिन्नाय होदें। जौनि सान्थ्रिफोरा हरसेनि गेजेरावनो गावसोरनि थांखिखौ मावफुंनो हादें। फारसेथिं कातार आरो सौदी आरबआ दावहाखौ फोजोबनो आर’ज गाबदें। बेनिखायनो जों गावनि फारसेनिफ्राय दावहाखौ होबथादें। मुत्तकीआ बुंबावोदि, आथिखालनि थाखाय थासारिया कन्ट्रलआव दङआरो जों गाहाम सोमोन्देजों लोगोसे गोजोनखौल’ हास्थायो। आथिखालाव आफगानआ उदां आरो गोजोननि थाखाय खामानि मावगासिनो दङ। जुदि पाकिस्तानआ बेखौबो लुबैयाब्ला, आफगाननियाव आरोबाव गुबुन अप्सनफोर दंबावो। सुलुनि बायदिब्ला, भारत दावबायफैनायाव मुत्तकीआ भारतआरि गुबुन हादतआरि मन्थ्रि एस जयशंकरजों लोगो हमदोंमोन। दरनै हादतफोरा गावजों गाव सावययनार्यनि उनाव शेयार बिबुंथि फोसावदोंमोन।

पाकिस्तानआव दाङ–बाजिनि उनाव गोजोननि सावरायनाया जागायबाय

गोदान दिल्ली, 13 अक्टबर: पाकिस्ताननि पान्जाब सरकार आरो कहरिक–ए–लब्बेक पाकिस्तान (टिएलपि) नि गेजेराव थांनाय रबिबारखालि सावरायनाय जायो। इस्लामाबादआव थानाय आमेरिकानि थान्दै मावख’नि बायजोआव इजराइलनि हेंथा धर्नाखौ लानानै टिएलपि आरो आइन सामलायग्रा एजेन्सिफोरनि

गेजेराव हिंसायारि दाङ–बाजिनि सान्थामनि उनाव बे सावययनाया जायो। इस्लामाबाद आरो रावलपिन्डीयाव थांनाय शुक्रबार आरो शनिबारखालि बन्द’ बायदि थासारि जादोंमोन। इस्लामाबादआव थानाय आमेरिकानि थान्दै मावख’नि बायजोआव इजराइलनि हेंथायै धर्ना खालामनो खावलायनार्यनि उनाव पुलिसआ टिएलपिनि



मदतगिरिफोरनि सायाव नायबिजिरो, जायजों हिंसा सोमजियो। सासे बिबानगिरिया रबिबारखालि फोरमायोदि, सरकारनि थान्दैआ टिएलपिजों लोगोसे सावरायनायखौ जागायो आरो बेनि फिथाया थाबैनो ओंखारनो हागौ। सावययनाया जागायजेन्नायाव जौगाखांदों आरो धर्नाखौ बोखाना लाफिन्नो हागौ। बिथाङा बुडोदि,

जेब्लासिम सावरायनाया जाफुंसार अब्लासिम टिएलपिआ आवगायनो हानाय नङा। सरकारआ बे आयदाखौ सुस्त्रांनो नाजागासिनो दङ। बिबानगिरिया फोरमायनाय बायदिब्ला, सरकारआ लाहर–इस्लामाबाद राजा लामाखौ खुलिना होबाय आरो टिएलपिजों लोगोसे सावययनाया थाबैनो जाफुंसारगोन होन्ना इसार होयो।

अरदाव

(2 बिलाइनिफ्राय) जाहैंदें। ’’

थखरमोननिबादिनो अरगानि गोसोआबो दुखांदोंमोन। बिदा–फंबायजों राननानै मोननाय बेल’ हाया आंनो जाहोनो हानाय नङलै होननानै सानसे बिबो थफ्ला–थफ्लि लानानै हादान खुलिनो फैफादोंमोन थखर, हबगामोनजों। गुदु हाग्राखौ एवसां एवसां, गिदिर गिदिर बिफांखौ दानफाय दानफाय हाल एवनानै बिसोर जेब्ला बेसर फोजेननो लादोंमोन थारैनो गोमोदोंमोन बिसोर बेसर बिफांखौ नुनानै।

– आयै... बेफोरसो हालै.....।

जाय जेसे हागौ एसे गुवार गुवार एवसांनानै लानानै आबाद मावनो लादोंमोन बिसोर। मैदेर आरो सखानिफ्राय होबथानो नसा फिसा फिसा खानानै थानो लादोंमोन। उनाव बे न’ सायावनो गाव गावनि नख’रखौ लानानै फैदोंमोन बिसोर आरो हाफोरखौ रानलायनानै लानानै गोदान गामि गंसे फसंनानै लादोंमोन। नायनायावनो नायनायावनो द’ दाननि गेजेरावनो बे मोनासो हाग्रानि सेर सेर जाखांदोंमोन गोबां गामि। हादान।

दिनै बे गामियाव अंग्खाल दं गैया फसे बाध्रायै बुंनो हानाया गोब्राब। नाथाय सिगांनिबादि आबादफोरा जालिया। हासारनि बिबाङा खमायलांनाय लोगो लोगो आबाद दिहुनथाइनि बिबाङाबो बाङाइ जालांबाय। बेनि अनगायैबो मैदेरनि उदखाराबो बिसोरखौ सम सम जोबोद खैफोदाव खोऽखैयो। हानजा लानानै ओंखारबोनाय मैदेरा बिसोरनि आबादफोरखौ जासे जानानै गारिललांजोबो। बेनि अनगायैबो सम सम सोरखारनिफ्राय बे जायगाखौ नागरानांगो होननानै बिथोनबो फैयो। हाग्रा बिफाननि मानसिफ्रा मैदेर लानानै सम सम नफोरखो फिसाफनानै होफैयो, बिफां–लाइफां दानफायजोबनानै होफैयो, होछां–होसि खालामफैयो। बेबादि खालामजानायाव अरगामोनहा जोबोद खहा जाबाय। हादानावनो राइजो जानो होननानै फैखानाय अरगामोनहा गामि गुबैयावबो थांफिन्नो लाजिबाय। बेनिखायनो होखारसांफैजाब्लाबो अखानायैनो न’ लुनानै थाफिनो।

–यै गुमै अरगा, जा गोबाव जाबायलै, हाग्रानि ना खानदा मोनजायैया। थुलै, माब्लाबा ना लायनो थादिनि।

गोबावसै, थखरा अरगाखौ लोगो लानाया। सिगाङवबो बिसोर बेबादिनो गेजेर गेजेर मैहुराव थांखांबाय। गावसोर गामि खानानै थानाय हा सेरजों दैमा गंसे बोहैलांदें। बे दैमायावयो ना मोना नङ मोनो। नाथाय बयबो गुरसोगारनायलाय लुबैनाय नाफोरखौ मोनबाय थाया। हाग्रा सिंथारनि दैयाव दैबाब्रुमफोराव गोबां रोखोमनि ना मोनो। देसब देसब मोनलायनाय ना खानदा, जोबोद गिदिर गिदिर ना फाबुवा आरो बामि–सिंगिफोराबो जोबोद मेजेम बर्हा बर्हाथार। नाथाय हाग्रा बिफाननि मानसिफ्रा एसेबां हाग्रा सिंथाराव हाबहैनो बिथोनहोया। बेनि अनगायैबो बे हालामाव गोबां मोसा ओंखारसोगारो। बिग्रायारिफोराबो बे हालामावनो थाखोमाफैयो होननानै गोबाङनो बुंसोलायो। सेमोन अरगामोनहा जेब्ला बे दै बाब्रुमनि सेराव ना लायनो होननानैनो थांदोंमोन, मोसा जालांखोनदा मै मासे मोनबोदोंमोन। देग्लायबो बराद दंब्ला मोननो हानाय। मै बेदरखौ जायोब्लाबो मैखौ गावथारनो मानोबा गोसो जाया अरगाहा। बेनिखायनो लोगोफोरखौबो बुंखानानै दोनदें जों नाल’ मैहुर खालामगोन, गुबुन जेबो जिबिखौनो हानि खालामा। गानदा नुब्लाबो गावा, मैदेर नुब्लाबो गावा, मै नुब्लाबो होसोनाय नङ। अमानि बाध्राखौ सानजायो। नाथाय अरगानि बाध्राखौ सोर

बहा खोनासंथावबाय थालायखो ? बेनिखायनो थांनाय खेबाव लावदाबआ अरगानो खिन्थाया मुवा मोफौ मानै हमखोमानानै गोदादोंमोन। थखराबो मोदै मासे हमनानै लाबोदोंमोन। नाखौथ’ बिसोर गोबां बिबानि मोनथारदोंमोन। खावै, ना सुल, थुरि, बामि, मथाम सिनथायनो मोनदोंमोन। हाग्रायावनो अहा अहा संनानै, सावनानै जानानै थांदोंमोन बिसोर। उनाव नवाव सौहैनानै फिसाजो गिदिरखौ लंहरनानै फंबायनोबो ना गोरानफोरखौ हरदोंमोन, मोसा जाखोनदा मैखौबो गोदानानै हाग्रायावनो फोरानखानानै लांदोंमोन बिसोर, बेखौबो एसे हरदोंमोन। थखर, लावदाबमोनहाबो गावसोरनि खुरमा–बाहागिफोरनो एसे एसे राननानै हरदोंमोन। देग्लायबो बेबादिनो मोनगोन खोमा होननानै राइज्लायलायदें बिसोर।

नाथाय दासान्दि बेबादि मैहुर खालामनो थांग्राफोरखौ पुलिसआ हमबाय थानायखौ खोनादें। बेनि अनगायैबो दानथामसो सिगाङाव बेबादि मैहुराव थांनाय सेंग्रा सानैया बिग्रायारिफोर थाखोमानाय जायगासिम सौहैफ्लांनायाव बिग्रायारिफोरा बिसोरखौ पुलिसनि मानसि साननानै खोमा हासिनानै, गन्थं हाख्लाबनानै, मेगन एरख्ल’नानै हरदोंमोन। बेनिखायनो गिस्त्रोम गिस्त्रोमबो मोनदें बिसोर देग्लाय मैहुराव थानो। नाथाय थखरनि खें खेंखौ सहायनो हायैनि मोखाङावनो थांना फैगोन होननानै दिनै ओंखारबाय बिसोर।

–बारा गोथौआव थाङलै। अरगाया लामायाव खेबसे बुंखावलांबावो। –देलै दे.... मोखाङावनो थांगोन। बै नैथ बिट हाउसथिं। थखरा बुंनाय फावैनो साइखेल हेण्डेलखौ नागरनानै नाखानानै लानाय थांखुखौ आखाय फारसेजों खुगायाव गब सोहरो। गामिनि सोमोन्दोयै थखरा बिगुमै जायो अरगाखौ। गोमोथाव रोखोमनि बे थखरा। बैसोयाव उनदैब्लाबो बियो रोडै खामानियानो गैया। खामानिखौ जेरै रोंगौ जानाय–लोंनायावबो फेजेननो हाया बिखौ। ना–बेदर जानो इनायनो मोकां मोनो। बोथिसेबो ओरैनो जाफेराखोमा बियो। जेबो गैश्राब्लाबो नाथुर, ना गोरान बाथोन थाथारनांगौ बिनि ओंखामजों। बिनि अनगायैबो जौ लोंनाय, थांखु जानाय, बिरि सोबनायावबो फेजेननो हाया बिखौ। मलाय बिरि पेकेटसे, थांखु थेमा, सलाय बिनि गामसा मखनायाव थाबाय थाखायो। जौखौबो बियो सानफ्रोमबो लोडे। नाथाय मोजां गुनआ बेनो बियो जौ फेब्ला रावजोंबो राइज्लाय, नांलायावबो। जौ लोंब्लाबो–फेब्लाबो बियो गावनि मावनांगौ खामानिखौ मावबाय थायो बारा फेथारब्ला दुमप्ला उन्दुनानै थायो। गोनां नख’रनिनो फिसामोन बियो। नाथाय सेंग्रा देरफुनायावनो सिख्ला गोसोथोनानै दोनखारनानै हाबा खालामनानै हादानाव थाफैदें। दा गुबै हालुवा जानानै नख’रखौ थेर थेर सालायगासिनो।

सम सम अरगाया बे हादाननि मानसिफोरनि जिउ खांनायखौ सानफ्राडे। बायसेश्रा रोखोमनि मानसिफोर ज’ जाफैजोबबाय बे हादानाव। खावब्ला सिखावबो सिखाव खावनानै हमजानानै गामिनि मानसिफोरजों दोखो दोखो बुरिलजानानै होखारहरजानानै दा बे हादानावनो थाफैबाय। सोरबा उन्दैदै हिन्जावसाखौनो हाबा खालामनानै दा बेवहायनो नांलाय–खमलाय राइजो जागासिनो दं। दाखालिसो हाथायाव थांनायाव सासे हिन्जावसाखौ नुनानै जोबोद गोमोदें अरगाया। स्नि दाननि देहा गात्रि सासे हिन्जावया जेब्ला बिखौ‘ आदै, नोंबो हाथाइयाव फैदें?’ होननानै राइदावो बियो बे हिन्जावखौ सिनाय हाहां हायाहां जादोंमोन। हिन्जावसाया बिनि फिसाजो गेदेरनि लोगो सोमस्त्रिमोन। बे एसेग्राब उन्दै हिन्जावसायानो मानो एसेग्राब थाब हाबा जानानै बेबादि देहा गात्रि जालायखो सानस्लाबनोनो हायाखिसै बियो। उनाव

मिथिदोंमोन गावसोर गामि खाथिनिनो ब्रैजिबासो बोसोर जानाय सासे बालन्दाजों बियो हाबा जाफैदें। 14–15 बोसोरनि सासे हिन्जावसाया 45 बोसोरसोनि सासे बालन्दा हौवाजों हाबा जाफैनायखौ हजम खालामनो हाया हाया मोनदोंमोन बियो। सेमोन लावदाबनि फिसाजोयाबो थाखो गुआव फरायफुबाय थानायावनो गावसोर गामि बारनायनि सासे मुस्तिम हौवाजों खारफालांबाय। गावसोरनावनो हांजिरा मावफैदोंमोन बे बांगाल हौवाया। बेफोरखौ नुनानै अरगाया सानो हादाननि थासारिया मोजां नंथारा। बेखौ सोदांनो नाजाथारनांगोन। नाथाय अरगाया सानमालाय मा जानो बेफोरनि थाखाय रावबो राव दैखांनोनो गोसो जायाब्लालाय... गाव गावनो सांग्रां जानो गोसो जायाब्लालाय.... दाथ’ गामियाव सोरहाबा सोरहाबा टिभि लाबोबावबाय, सोरनिबा सोरनिबा आखायाव मबाइल दंबावसै.... गामियाव नाथाय बिसोर दासिमबो गंसे फरायसालि गायसंनो हायाखै.... गोजाम गामिसिम थानानै फरायहैनंगौ जानायलाय गोजान होननानै रावबो गथ’फोरा फरायसालियाव थानो गोसो जाया।

जेब्ला अरगामोनहा हाग्रायाव हाबहैयो अब्ला मोनाबिलि जाबायमोन। समाइना रमाइना दावरायफोरा लामा लामा ओंखारफैनानै केउ.. केउ... होननानै गावदोंसैमोन, गावजोंगाव लंहरलायदोंसैमोन। गुबुन गुबुन दावसिन–दावलाफोराबो बाहा सेलायदोंमोन। नैथ बिट हाउसखौ बारनानै मोनसे दै बाब्रुम सेराव बादा खानो थांखि लानायसै बिसोर। बिट हाउसाव हाबबोनानै फरेष्ट गार्डफोरनो खिन्थाबोखाबाय गावसोर नासो मैहुर खालामगोन, गुबुन जिबफोरखौ जेबो ख’हा खालामनाय नङ। बिट हाउसाव ग्रास काटार सानै, सासे फरेष्ट गार्डल’ दमोन। बेखायनो जेबो हेंथा होआखिसे बिसोर।

मोनाबिलिनि बे बुब्लिखौ इनायनो मोजां मोनो अरगाया। ‘दाखोमसिथ’, बिब्दिनो दानदिसे थाबावथ’ नंलायथारो। मिथिगानि बे रैरुब महारा गोमोहाबो बियो। बे बुब्लिया बिनि गोसोखौ जोबोद माबा माबि सानस्त्रियाव गोदोहाबनो थुलुंगा होयो। साइखेलखौ सालायालासै नारै नारै लांनानै लामाथारै मुजिहाब मुजिहाब खोनासंलाडे बियो दावराइफोरनि गाबनाय, दावसिन–दावलाफोरनि बाहा सेलायनानै दावराव दावसि जानायखौ।

गावसोरनि थांखिनाय थावनिसिम सौहैनायाव खोमसिया सार्लोबबायमोन। टर्स सुयै सुयै बिसोर गावसोरनि बादा खानो नाजाग्रोयो।

– नोंसोर बादारखौ खाबाय थाथ ‘दोलै गुमै, आदै लावदाबजों आंजों एसे सुग्रोम हैग्रोथारनोसै, मोनोब्ला बेजोंनो हरनि जानायखौ खालामनोसै।

थखरा हांखुर जाथारदें ना सुनो। हेंथा होयाखिसै अरगामोनहा। हबगाजों अरगाजों बादा खानायाव नांथावबाय। लावदाबजों थखरजों खुसिया सुलि आरो खुखि लानानै ओंखारलांग्रोबाय ना मोनग्रा थावनिसिम। देगावा गावसोर लांफानाय दो–दोलाफोरखौ दिहुननानै बेबेथिं अर्दाब बानायब्ला मोजां जागोन बेनि ख’हा खालामबाय। बादारखौ खाखानानै दान्दिसे ओरैनो सिं फंनो होननानै गोलांदोंमोन अरगाया। बेयावनो माब्ला उन्दुसनलांखो थाल मोनाखिसै। दानदिसेयावनो हंक्रदलायनाय उनदुलांदों बियो, सिमांबो नुदों माबा माबि गुदि गैयै बिजौ गैयै।

– यै देगाव, बिसोर गोबाव जाथारबाय। थु जोंबो नायसहैदिनि। अरगाया उनदुलांबायसो हनै फागलाया।

अरगाखौ उन्दुलांनाय नुनानै हबगाया देगावखौ लोगो लाबाय आरो बिसोरनो सिखा खंखाय, जं लानानै टर्स सुयै सुयै दैमाथिं थांबाय।

मोदोमाव माबा मोनसे लिउ लिउ मानबायनाय मोननानै दसे उनाव सिरि मोनबाय अरगाया। बागदावखांबाय बियो। सोरगिदिं खोमसि। गावनि सेरावल’ फिसा मोनसे अरदाबाव अर सुखोनदा बन्थनिफ्राय खामह’ मोनामनाय फैगासिनो दं। गोसोखांनो नाजायो बियो गाव बहा दं। हाग्रानि एमफौनि जि जि मा मा गाबनायाव बियो हमनो हायो गाव हाग्रा गेजेराव दं आरो गाव हबगामोनजों लोगोसे ना मैहुर खालामनो फैदें।

– ए.... फाग्लाफोरा आंखौ हारसिं दोननानै गावस्त्रा थांजोबबाय ना दाननो!

साखाथि फाखाथि रावखौबो नुयैलाय बियो हमनो हायो हबगामोनहाबो गावखौ गारनानै ना दाननो थांबाय। बियो बादानिफ्राय ओंखारनानै हासुहैयो आरो बिसोरखौ नागिरनानै थानो ना बादायावनो थाथ’बावनो सानो.... अरदाबाव ओंखामखौनो संनोसै दे सानो बियो। ओंखामाव आलु होफानोसै। बिसोर ना लानानै फैयोब्ला नाखौ एवगोन नङाब्ला हानानै जानोसै। बिब्दि साननानै गोमोस्त्रोनो लानाय अरदाबखौ सुर्खांफिन्नानै गुबुन मैगंफोरखौ दोनथ’नानै आलुखौल’ बिगुर लेमनायसै बियो। देगावा रोगानानै दोनफैखानाय थौनि देजों आलु आरो माइरंखौ सुबाय बियो। देगावा माब्लाबानो हा एसे जावनानै समाइना अरदाब बानायदें। अनथाइ थरथाम होदें। अरदाब सेराव गय जरा फाथै ज’रा बावदें। जेवारि गंसेयाव थाव एसे होनानै खुन्दुं ससे होनानै फोजोंदें। हाग्रानि माबा माबि बिबार बारनैसोबो होदें, जेवारिनि सोरगिदिं। गिलास फिसायाव गिलाससे दै लानानै थुलुनसि बिजौ ससे सोमब्रनानै दै

गोथार खालामदें। थामहिनबा देगावा हाग्रानि मोदाय–मोदायजोनि मुडै सिबिनाय बाउनानै बे अरदाबखौ सुखांजेनदोंमोन। थारैनो देगावा देग्लायसो गिबिखेब अरगामोनजों मैहुराव फैफादेंब्लाबो मिथिगौ बे हाग्रायाव गोबां मोदाय–मोदायजो थायो। मैहुराव फेब्ला बिसोरनि मुडै सिबिनाय बाउग्रोनांगौ।

देगावनि बे रोंग’सार बाउनायखौ नुनानै अरगायाबो बै गासै मोदाय–मोदायजोनि मुडै खर’ गंल्लायै आर’ज गाबहरो। बियो गोसोजोंनो बुडे– ‘हे आइ बिमा हाग्रामा, नौनि जों जेबो खहा खालामनो फैयाखै। खालिबोल’ मिथिगानि बाहागोसे नानि मैहुर खालामनो फैदें, जौनि सालायनि थावनाय लानो फैदें। नोंसोरनोथ’ मिथिगौ, बे बुहुमाव बेसेबां अनजिमानि ना दं सानसे दखरसे जायगानि मानसिफ्रा ना जानो थाद’ब्लानो नाफोरा जोंखौ मनजोबगोन। बेनिनो फिसा बाहागोसेल’ जों मानसि हारिया जानो नाजादें। बेनि थाखाय नों जोंखौ दाबोराब दे। बे अरदाबावनो जों मानैसो सावजागोन, बेनि उनाव न’नि अरदाबाव संनानै जाहैगोन। नोंसोरनि जेबो ख’हा खालामा’।

ओंखामा मोनहां हां जाबायमोन। हर्खांबै बे समावनो गुर्लाव गुर्थाब खारनानै सौफैदें देगावा।

~जारला जाबायलै आदा, दैखांदो दैखांदो मुवा–बेसादफोरा हां थिफुं थिफुं बुफैबाय देगावा।

–मा जाखो मा जाखो देगाव.....?

– लामायाव बाबु (मैदेर) लोगो मोनदोंलै। बिसोरबो फैगासिनो दंमोन आदै लावदाबमोनहाबो। दोलोसेथार बिसोर (मैदेरा)। गामिथिं आदार नागिरनो थानो नागिरदें मोनदां। जोंखौ होसोनो नागिरनाय बादि मोनदोंगोन। मासेया रागा जौनानै जा होसोबोबाय। आदा थखरा माबोरैँ बा खार थेफ्लांखो..... बाबु जों गामिनजाबायलै..... बिबुआनो गखादों.....।

अरगाया सोरगिदिं सांग्रेमा जौनाय नुजोबो रिथि–रिथाव रिथि–रिथाव।

माहाम देहानि राहा गोजां बोथोराव माबोरै डिटक्स खालामो: बेनि राहाफोर

इन्फेक्सन आरोग्यबुन जेनाजों आथिखालाव सुबुंफोर बांसिन मोगा-मोगि जानादों, बे समाव गावखौ थाजिम लाखिनो थाखाय माखासे गोनांथार हाबाफारि लानो हायो, जायनि गेजरजों सानफ्रोमबो नोथाड गावनि देहाखौ थाजिम लाखिनो हागोन।



सरासनसा जाग्रा आदार आरोग्यमोजाडै उन्दुनानै देहाखौ थाजिमै लाखिनो हायो। नाथाय बेनि फिनजाथायखौ अब्लासो मोन्नो हायो जेब्ला देहायाव जेबो रोखोमनि जेना आरोग्यबेमारिफोर गैया। बेनि थाखायनो समलानानै देहाखौ डिटक्सोफाई खालामांगोंआ गोनांथार। जायनि थाखाय जायखि-जाया रोखोमनि थेशपी एबा फाहामनायनि गोनांथि जाया फारसेथिं न'आव थानानै गोरलैयैनो देहाखौ डिटक्स खालामनो हायो। देहाखौ माबोरै डिटक्स खालामनो हायो बेनि राहाफोर जादों देहाखौ डिटक्स खालामो थाखाय बांसिनै उदै खालियाव डिटक्स

लौनो थाखाय सुबुरुन होनाय जायो। बे डिट्क लौनायनि बिथिंआव नाथाय डिटक्सआ गोरोबा। डिट्कखौ जायखिजाया समावनो बानायनानै लौनो हायो। स्वादखौ बांसिन खालामनो थाखाय गायखेराव सिनि लागायनाड, बेखौ गोसोआव लानाया मोजां। हाइजें आरोग्यनिमबुआव थानाय गोबां प्रतिनफोर जथायै देहायाव थानाय गात्रि मैलाफोरखौ साफा खालामो आरोग्यमेटावलिज्माखौ गाहामैलोखियो। नारेंखलनि बिदैआ देहाखौ मोजां रोखोमै डिटक्स, खालामो, आरोग्यलोगोसेयैनो गोजां बोथोराव देहाखौ हाइड्रेट खालामना दोनो। बे बिदैखौ सामफ्रोमबो लौनो हायो नाथाय नारेंखलनि बिदैखौ

दैजों गलायनानै लौनाय देहानि थाखाय जोबोद गात्रि। नारेंकलनि बिदैजों मोखाडबोरल'जायो आरोग्यजिंगासिनायफोरखौ जानगार हायो। बिटखौ सुपार पुड होन्नानै लानाय जायो। मानोना बे मैगंखौ जायोब्ला देहायाव थैनि बिबाड बांसिन जायो आरोग्यइम्युन सिस्टेमआबो मोजाडै खामानि मावो। गुबुन फारसेथिं गाजरआ देहानि नाडै मुवाफोरखौ सिगारनायाव हेफाजाब हायो। देहानि डाइजेटिभ सिस्टेमखौ गाहामै लाखिनो थाखाय गाजरखौ सानफ्रोमबो जानोबो हायो आरोग्यलिरथायखौ बाडाय खालामनायावबो बेयो मदत हायो।

बिग बस 19 आव जिशाननि उनाव मिड-उड्कआव सासेबाव कन्टेस्टेन्ट आउट जागोन

जेना गोनां रियेलिटिस्व'बिग बस सिजन 19 आव दासा 14 कन्टेस्टेन्टफोर दंबावो। रबिबारखालि उड्केन्डनि वारआव जिशान कादरिआ खम भट मोन्नानै सलमान खाननि स्व'निफ्राय ओंखार नांवाय। जिशान कादरिनि एभिक्सन जानायाव नख'रनि सुबुंफोरा सोमोनांदों। बबेखानि जिशानखौ स्व'निफ्राय आउट जागोन होन्नानै रावबो सानाखैमोन। जिशान कादरि ओंखारनायनि उनाव दासासेबाव कन्टेस्टेन्टआ स्व'निफ्राय बिदाय लाबावसिगोन। अदेबानि उड्केन्डनि वारनि दान्दिसे उनाव बिग बस 19 नि न'निफ्राय नमिनेशन टास्क जादों। बे खेबाव नमिनेशनआ थाबैनो जादों आरोग्यफैगौ उड्केन्ड वारनि सिगांनो जायखि जाया सासे कन्टेस्टेन्टआ आउट जागोन



होन्ना हमना लानाय जादों। बे खेबाव नमिनेशन टास्कआव कन्टेस्टेन्टआ गुबुन सासे कन्टेस्टेन्टखौ लामानिफ्राय बोखारनो थाखाय पानी पुरि जाहोगोन आरोग्यबिखौ नमिनेट खालामगोन। प्रेम'आव दिन्थिनाय जादोंदि, फरहाना भाट्ट, मृदुल तिवारि, गौरख खान्ना आरोग्यअभिषेक बजानखौ पानि

पुरि जाहोनाय जायो। बेनि गेजेराव अभिषेक आरोग्यअमान मालिकनि गेजेराव खुदिलायनायबो जायो। बे सप्ताहयाव गासै सा 5 कन्टेस्टेन्टसिनि सायाव नमिनेशननि थुंगिया नांनानै दं, जेराव मृदुल तिवारि, फरहाना भाट्ट, मालति चाहर, गौरख खान्ना आरोग्यनिलमगिरिया दं।

बबेखानि नेहल चुडासमाया बे सप्ताहनि केप्टेन। बेनिखायनो बिथाडा फरहानाखौ सेफ खालामबाय। माखासे सा 4 आ बे सप्ताहनि थाखाय नमिनेटड। सुलुडाव मिबथिनो मोन्नाय बायदिब्ला, बे सप्ताहयाव मिड-उड्क एभिक्सन जागोन जेराव जायखि जाया सासे ओंखार लानानो हागौ।

एश्वर्या रायखौ ट्रलिं खालामनायनि सायाव फावरखुंगि ऋचा चडढाआ गोरखों फिन्नाय होदों



बारग'मिस वर्ल्ड आरोग्यफावरखुंगि एश्वर्या रायनि समाइना महर आरोग्यएक्टिंखौ जोबोद बाख्यायनाय जायो, नाताय माकासे खेब फावरखुंगिया ट्रलिंजेंबो मोगा-मोगि जानाडो। सानसेखालि बिथाडा गावनि नुथायनि थाखाय गात्रि रोखोमै ट्रल

जादोंमोन। अदेबानि एश्वर्या रायआ सानसेखालि गावनि पेरिस फेशन उड्कआव ट्रलिंजों मोगा-मोगि जानांदोंमोन। सुबुंफोर बिथानि लुकखौ एसेबां मोजां मोनाखैमोन। सानसेखालि ऋचा चडढानाव एश्वर्यानि ट्रलिं खालामजानायनि सायाव सोंथि खालामनाय जादोंमोन, अब्ला

फावरखुंगिया बेनि सायाव ट्रल्स खालामग्राफोरखौ गोखों फिन्नाय होदोंमोन। ऋचा चडढाआ मोनसे इन्टरभिडआव एश्वर्या रायनि ट्रलिंनि सायाव बाश्ना सावरायदोंमोन। बिथाड बुंदोंमोनदि, सुबुंफोर बिथानि सायाव मेगन सायो। बिथाड बारतनि जारिमिननि दासिमनि

दिवाली पार्टीआव प्रिटि जिन्टाजों लोगो मोनलायनानै बबी देअलआ खुसि जादों

रबिबारखालि मुंदांखा फेशल डिजाइनार मनिष मल्हत्राआ गावनि न'आव मोनसे समयाना दिवाली पार्टी हस्ट खालामदों, जेराव स्टारफोर थुबुर जाफैदों। करिना कापुर खाननिफ्राय लानानै कृति सेनन, निता अम्बानिसिम माखासे गेदेर स्टारफोरा पार्टीआव बाहागो लाफैदों। बबेखानि बे पार्टीआव साफ्रोम स्टारफोरा गावसिनि फेशनजों सोमोनांहो जोबदों। बलिउडनि फावरखुंगुरफोराबो फेशननि बिथिंआव उन जाना थायाखै। बेरा फारसेथिं पेपराजिआ दिवाली पार्टीआव बाहागो लाफैनाय स्टारफोरखौ केच्चार खालामगासिनो दंमोन, बे समावनो केमेरायाव मोनसे अन्थाव ममेन्टआ सेबखांजादों, अदेबानि बेममेन्टआ बबी देअल आरोग्यप्रिटि जिन्टानि। सानैजों दिवाली पार्टीआव सौग्रावलायदों आरोग्यनुनाय लोगो लोगोनो गोमोलायदों। बबेखानि बबी देअलखौ प्रिटि जिन्टजों लोगोसे रंजानाय लानाय नुनो मोन्दों। बिथामोननि बे भिडिअयाबो समाजयारि बिजोंआव सोरोंआव फैदों। भिडिअयाव नुनो हागौदि, पार्टीनि बायजोआव प्रिटिआ बबीजों गोबा लानायनि उनाव



फावरखुंगुरनि बिसि तान्या देअलजों लोगो हमलायदों।

साथामजों सावरायलायदों। बेनि देअलआ जयै पेपराजिनो पज उनाव प्रिटि जिन्ट आरोग्यबबी होदों। फावरखुंगुरनि बिसि

अशक कुमाख्खा गासै 275 सावथुनफोर खालामनानै बलिउडनि गेदेर सुपारस्टार जानो हादों

सावथुन मुलुगनि जारिमिननि फारसे नोजोर होयोब्ला बेव नुनो मोनगोनदि, माखासे सुपारस्टारफोरनि मुडा दंफायो, जायफोरा फिसा सहरनिफ्राय ओंखारबोनानै जोंगा-मागा मुलुगाव जाफु'सारनायनि फिरफिला बिरहोदों। बिब्दिनो सासे महरगिरिया बिहारनि भांगलपुरनि फांगेस ओंखारबोदोंमोन आरोग्य50 जौथाइनिखुइबो बांसिन समसिम बलिउडआव एक्टिभैयो थादों। बे फावरखुंगुरआ गावनि गोखों एक्टिजों 275 निखुइबो बांसिन सावथुनफोराव गावनि नेरसोन



गालांदों आरोग्यबिथांखौ हिन्दी सिनेमानि दादा मुनिबो बुनाय जायो। 13 अक्टबर 1911 आव बिहारनि भागलपुरनि गंसे बाडालि नख'रआव सासे हौवासा जोनोम जादोंमोन, जायनि मुंखौ कुमुड लाल गांगुलि दोन्नाय जादों। बनि बिफाया उकिलमोन आरोग्यबयबो सानोमोनदि, नख'रनि

फिसाज्ला देरसिनआ बिजिरसालिनि मुलुगाव मुं आरजिगोन, नाथाय रावबो सानाखैमोन जे कुमुदखौ फैगौ समाव सावथुनाव अशक कुमारनि मुंजों मिबथिनो हागोन आरोग्यगेदेर फिल्म सुपारस्टार जागोन। बबेखानि अशक कुमारआनो बिहारनि फिसा महरनिफ्राय ओंखारबोनानै माया

‘लका चेप्टार 1 चन्द्रा’ सावथुना मालायालम सिनेमानि ब्लकबास्टर सावखुन जानो हाबाय

बाडाइ बाजेटनि सावथुनफोरा जेब्ला बक्स अफिसआव दोहौ सोमजिहोयो अब्ला बेयो गासै हादतावनो गोसारो। बे सोलिफु बोसोराव सिनेमा हलफोराव रिलिज जानाय मालायालम सुपारहरि'सावथुन 'लका चेप्टार 1 चन्द्रा'या जेब्ला फैदोंमोन अब्ला रावबो सानाखैमोन जे बे मालायालम सावथुना ब्लकबास्टर सावथुन जागोन। बबेखानि दुलकर सलमाननि बानायनाय सुपारहरि'सावथुन लकाया भारतजों लोगोसे गासै हादतनि नायगिरिफोरखौ सिनेमा हलफोराव बोबोनो हादों। सावथुनखौ क्रिटिक्स आरोग्यनायगिरिफोराबो जोबोद बाख्यायदों। से खावसे दाननिफ्राय गिदिर पदांआव



जायगा आवग्रिनानै लानो हानाय लका सावथुना दा बक्स अफिसआव जारिमिन सोरजिनो हाबाय। लका सावथुना गिबियाव मालायालम रावआव रिलिज जादोंमोन आरोग्यअपेर्निआ जोबोद लासैयै जादोंमोन। गिबि सानाव बे सावथुना 2.7 कौटि रंजों जागायदोंमोन। अदेबानि सावथुना

45 सानाव मोजां पारफर्म खालामनो हादों। बे मालायालम सावथुना 300 कौटि रंनि क्लाबआव बाहागो लानो हानाय गिबि मालायालम सावथुन। लका चेप्टार 1 चन्द्राया गासै हादतआव दासिमाव 301.86 कौटि रंनि बिजनेट खालामबाय। भारतआव सावथुननि कालेकसना

155.61 कौटि रं। बेनि सिगां महनलालनि 'एल 2 एम्पुगन' सावथुना मालायालमनि बांसिन रं आरजिनो हानाय सावथुनमोन, जाय बे बोसोरनि 265 कौटि रंनि कालेक्सनमोन। बबेखानि दा कल्यानि प्रियदर्शननि आरोग्यनासलेनि सावथुना महनलालनि रिकर्डखौ सिफायदों।

हलिउडनि मुंदांखा पप सिंगार केटि पेरिया माकासे जाहोननि थाखाय लाइमलाइटआव थादों



हलिउडनि पप सेन्सेसन केटि पेरिआ लाइमलाइटआव थायै माब्लाबाबो जानो हाया। बिथाड माब्लाबा गावनि मेथाइफोरखौ लानानै माब्लाबा गावनि कन्सर्ट आरोग्यफेशनखौ लानानै लाइमलाइटआव थायो। देंखोगिरिनि जिउआव सासे

गोदान मोजां मोन्नाया आगान होफैदों आरोग्यबे मोजां मोनलायनायनि बाश्नाया आथिखालाव हलिउडनि मुलुगाव गोबां भाइरेल जागासिनो दं। थानाय माखासे साननिफ्राय खौरं फैबाय थादोंमोनदि, केटि पेरिया आथिखालाव कानाडानि बारग'गाहाइ मन्थ्रि जास्टिन

टुडजों मोजां मोनलायो। बे बाश्नाया रोखाबो जादोंदि, जास्टिनआनो केटि पेरिनि गोदान बयफ्रेन्ड आरोग्यजास्टिनखौनो केटिआ डेट खालामगासिनो दं। बेनि फोरमानआ बे समाव इन्टारनेटआव अर बायदि गोसारगासिनो दं, मानोना बावैसो सिगां केटि आरोग्यजास्टिननि कजि

पिक्चारसआ समाजयारि बिजोंआव भाइरेल जादों, जेराव सानैखौ किस खालामलायनाय नुनो मोन्दों। केटि पेरि आरोग्यजास्टिन टुड'आ'बै सानाव जेब्ला जयै डिनार डेटआव स्पट खालामजादों मोन अब्लानिफ्रायनो एफेयारनि फारसे सावरायलायनाया जागायदोंमोन। बेवहाय सानैखौ गंसे याटआव नुनो मोन्दों। बे याटआवनो सानैखौ किस खालामलायनाय आरोग्यसानैजों गोबालायानय नुनो मोन्दों। बबेखानि सानैनि कजि ममेन्टसआ केमेरायाव सेबखां जादोंमोन। जाय बे समाव गोखैयै भाइरेस जागासिनो दं। केलिफर्नियाआव सानैनि सिफ्रेट मिटिआ इन्टारनेटआव रोखा जादों।

भारतनि गोख्रों गेलेगिरि रहित-कहलीनि सायाव रभि शास्त्रनि बाश्चाया बयखौबो सोमोनांहोदों

गोदान दिल्ली, 13 अक्टबर: भारतीय क्रिकेट हान्जानि अस्ट्रेलिया दावबायनाया फैगौ 19 अक्टबरनिफ्राय जागायगोन। बे हान्थिनायाव भारतआ वान्डे सिरिजजों जागायगोन, जेराव भिराट कहली आरो रहित शर्माखौ जथायै नुनो मोनगोन। सोलिफु बोसोरावसो टेस्टनिफ्राय आजिरा लानाय बिसोर सानै गेलेगिरिया गोलाव बोसोरनि उनाव हारिमायारि क्रिकेटआव जुथायै ओंखारदों। बिसोर सानैबो टी-20 आरो टेस्ट क्रिकेटनिफ्राय आजिरा लाबाय। जेराव सानैबो 50 अभा रफमेंटआवले' नांथाबना दड। बिसोर सानै गेलेगिरिफोरखौ



अन्साइगिरिफोरा 2027 आव खुंजानो गोनां वान्डे वर्ल्ड कापआव जुथायै नुनो मोनगोनखौ मिर्जिंथि लादों। बेबादि थासरियावो भारतीय हान्जानि बारग' गाहाइ कच रभि शास्त्रनि मोनसे बाश्चाया बयखौबो सोमोनांहोदों। बिथानि बायदिब्ला, अस्ट्रेलियाआव खुंजानो गोनां वान्डे सिरिजआव बिसोर सानैआ गोखोडै दिन्थिफुनो हागौ। नाथाय बिसोर

फ्रान्सनि गोख्रों टेनिस गेलेगिरि भेलेन्टिन भासेरुतआ शांघाइ मास्टार्सनि बिमुं देरहाबाय

शांघाइ, 13 अक्टबर: मुंदांखा गेलेगिरि भेलेन्टिन भासेरुतआ क्वालिफाई राउन्डनिफ्राय गाहाइ राउन्डआव जायगा आवग्रिनायसिम गावनि मोजां फर्मखौ फारियै लाखिबोनो हादों। बिथाडा बिमुंनि बादायनायाव गावनि सोमोन्दोआव बिदा जानाय आर्थर रिन्डारशेनखौ 4-6, 6-3, 6-3 स्करआव फेजेन्नानै शांघाइ मास्टार्सनि बिमुं देरहाबाय। बे फारियाव बिथाडा

सरासनस्सा 2 पइन्टनि फारागथियाव जेदोंब्लाबो अनि खेबनै सेटआव गोख्रैडै दिन्थिफुदों। मुलुगनां रेंकिंआव 204 मासियाव जायगा मोन्नाय 26 बोसोर बैसोनि भासेरुतआ एटिपि मास्टार्स 1000 नि जारिमिनाव बयनिखुइ गाहाइसिन थाखोआव रेंकिं थानाय देरहागिरि जानोबो हाबाय। बे फारियाव बिथाडा एटिपि मास्टार्स 1000 लेभेलनि बिमुं देरहानो हानाय मनाकनि



गिबि गेलेगिरिबो जानो हादों। भासेरुतआ सेमि फाइनालआव खेब 24 ग्रेन्डस्लेम सेम्पियन जानो हानाय नभाक जकभिसखौबो फेजेन्नानै

गिबियै खुंजानो गोनां शुटिं लीग अफ इन्डियानि अक्टखौ फासयनाय जाबाय

गोदान दिल्ली, 13 अक्टबर: गिबियै खुंजानो गोनां शुटिं लीग अफ इन्डियानि बेखेवजेन्नाय सिजनखौ फासयनानै 2026 नि गिबि समफारिनि गेजेराव खुंफुनो थिरांथा लानाय जाबाय। नेसनेल राइफल एससिएसन अफ इन्डियाआ फोसावलायनि गेजेरजों बेनि सायाव रोखा खालामदों। जेराव एससिएसनआ हारिमायारि शुटिं गेलेमु फे डारेसन (आइएसएसएफ), एथलिट आरो गुबुन गुबुन इभेन्टफोरखौ



नोजोर होनानै खाबजानाय केलेन्डार लानानै बेखौ खुंफुनाय थिरांथाजों अक्टखौ फासयनाय जादों होन्ना रोखा खालामदों। एससिएसनि आफादगिरि कलिकेश नारायण

गेजेराव सोमोन्दो दानाय, गेलेगिरिफोरनि हान्थिनाय बायदिनि सायाव सावरयनाय जादों होन्ना फोरमायो आरो फ्रेन्वाइजनि बिगोमाफोरजों लोगो हमनायखौ गोजोन्थावना फोरमायो। बिथाडा फोरमायनाय बायदिब्ला बिगोमाफोरा बे इभेन्टनि थाखाय फारफोमथिबो थियारि जादों, जेराव गावनिफ्रायबो बेखौ खुंफुनो बिगोमाफोरनि मोजां फिन्नाय हरनायखौ बिथाडा रोखा खालामदों।

आर्शाद नदिमनि कचखौ पाकिस्तान फेडारेसनआ अरायनि थाखाय बेन खालामबाय



गोदान दिल्ली, 13 अक्टबर: पाकिस्ताननि मुंदांखा जेभलिन खुबैग्रा आर्शाद नदिमनि कच सलमन इकबालखौ हादतनि एथलेटिक्स फे डारेसनआ पान्जाब एथलेटिक्स एससिएसननि संबिजिरखौ सिमफायनाय दायआव अरायनि थाखाय बेन फोसावबाय। जेराव बिथाडा एससिएसननि सिडाव आफादगिरि महरै बिबानाव दडभोन। अरायनि थाखाय बेन फोसाव जानाय महरै बिथाडा

मोनबो एथलेटिक्स इभेन्टजों सोमोन्दोआव बाहागो लानो हानाय नंला, लोगोसे कचिंबो होनो हानाय नंला थामहिनबा बिथाडा गासैबो लेभेलआवनो मोनबो मासिनि थाखाय गनाय जानाय नंला। पाकिस्तान एमाचुर एथलेटिक्स फेडोरेसनआ इकबालनि सायाव पान्जाब एससिएसननि बिसायख'थि खालामनानै संबिजिरखौ सिफायनायेनि अजद दिखादों, जेराव बेनि बिसायख'थिया थांनाय आगस्ट दानाव जालांबाय। थांनाय सेप्टेम्बर

दानाव बेनि थाखाय मोनसे नायबिजिरा कमिटि दानाय जादों, जेराव बे कमिटिआ पाकिस्तान स्पटर्स बर्डनिसिम फिन्नाय हरनायनि सानसे उनाव थांनाय 10 अक्टबरखालि इकबालनि सायाव होबथानाय बिथोनखौ फोसावदों। बे थांखियाव इकबालनिफ्राय पाकिस्तान बर्डनिसिम होनाय फिननि सायाव माखासे सोमोन्दोखौ नुनो मोन्दों। जेराव बिथाडा टकिं'आव वर्ल्ड एथलेटिक्स सेम्पियनसिपआव नदिमनि गात्रियै दिन्थिफुनो

गोदान दिल्ली, 13 अक्टबर: आइजोफोरनि वर्ल्ड काप 2025 आव भारतनि हान्जाया अस्ट्रेलियानि हेंथायै 3 उइकेटआव जेन्नादों। बे मेचआव भारतआ गिबि बेटिं खालामनानै 330 रानसिम सौहैदों। जायनि फिन्नायाव अस्ट्रेलियाआ गोरलैयैनो थांखिसिम सौहैदों। बेनि उनाव भारतआ सेमिफाइनाल सौहैनाय लामायाव जेना गोलैदों। नाथाय दासिमावबो हान्जाया सेमिफाइनालाव सौहैनायनि

सानैनि वान्डे वर्ल्ड काप 2027 आव बाहागो जागोन एबा जायैआ सन्देह दड। बिथाडा वर्ल्ड कापआव बिसोरनि बाहागो जागोनखौ रोखा फोरमायाखै, जेराव बिसोर सानैआ गोबावनि उनाव जानो गोनां सिरिजआवबो गावसोरनि साबसिन फर्मखौ होनो नाजादों होन्ना फोरमायदों। मानोना बेनि उनाव बिसोर सानैनि फिटनेस आरो फर्मआसो वर्ल्ड कापआव बाहागो जाहैगोनखौ थिरांथा लागोन। 2027 आव वर्ल्ड कापआ खोला आफ्रिकायाव जागोन। बेबादि थासारियाव कहलीआ 36 बोसोराव आरो शर्माआ 38 बोसोराव आगान होनाय महरै बै समसिमाव आरोबाव माखासे फिटनेसनि सायाव सौंथि जाहैगोन।

वर्ल्ड जुनियर बेडमिन्टन सेम्पियनसिपआव भारतनि शटलरफोरा बिमुंनि थांखियाव

गुवाहाटी, 13 अक्टबर: मिक्स टीम इभेन्टआव जारिमिनारि ब्रन्ज मेडेल देरहानाय उनाव भारतनि बेडमिन्टन हान्जाया दिनै समबारनिफ्राय जागायनाय बिडब्लिउएफ वर्ल्ड जुनियर सेम्पियनसिपआव सिंगेल इभेन्टआव गोखोडै दिन्थिफुनानै मेडेल लाखिनो नाजागोन। भारतनि बे टुर्नामेन्टआव साबसिन दिन्थिफुं नाया 2008 आव थिसनजादोंमोन, जेराव साइना नेहवालआ आइजोफोरनि



गोदान दिल्ली, 13 अक्टबर: आलिगढ़नि हारिमायारि थाखोनि गेलेगिरि निरु पाठकआ फिन खेबसेबाव आलिगढ़ जिल्लानि मुंखौ गोजौआव लाखिदों। उरिष्ठा भुबनेस्वरआव खुंजानाय 40थि नेसनेल जुनियर एथलेटिक्स सेम्पियसिपआव निरु आ आन्डार 20 आइजो केटेगरियाव 400 मिटार रेसखौ 53.38 सेकेन्ड समजों आबुं खालामनानै सनानि मेडेल

देरहानायजों लोगोसेनो गोदान नेसनेल मिटरेकडबो सोरजिदों। जिल्ला एथलेटिक्स एससिएसननि नेहाथारि भिबेक कुमारआ फोरमायनाय बायदिब्ला, 2017 आव जिन्सना मेथ्युआ थिसन्नाय 53.52 सेकेन्ड समनि रेकडखौ बिथाडा सुद्रायनो हादों। सोलिफु समाव नेसनेल लेभेलआव 400 मिटारनि साबसिन रेकडआ आसामनि हेमा दासनि मुडव थिसनजाना दड;

जेराव बिथाडा बे रेकडखौ 2018 आव 50.79 सेकेन्ड समजों थिसन्दों। निरुआ सिगांनिफ्रायनो आन्डार 18 हिन्जावसा केटेगरियावबो 400 मिटार नेसनेल रेकड थिसन्ना दंखायोमोन, जेराव बिथानि रेकड समआ 52.85 सेकेन्ड सममोन। लान्थियै रेकड सिफायबोनाय निरुआ गावनि गोब्राब नाजानायजों बयनिबो गोसोआव मोनसे थुलुंगा होदों। थामहिनबा नाजानाय थायोब्ला थांखिसिम सौहैयो बे बाश्चाखौ फोरमान होदों। बिथाडा फोरमायनाय बायदिब्ला, फु डाव 4:00 रिंगायाव सिखारनानै गावनि फ्रेक्टिखौ खालामखांनाय उनाव बिजाब फरायो आरो मोनाबिलियाव फिन ट्रेकआव ओंखारो।



सिंगेल केटेगरियाव सना आरो आरएमभि गुरु साइ दत्तआ हौवासाफोरनि केटेगरियाव ब्रन्ज मेडेल देरहादोंमोन।

दासिमाव भारतआ बे सेम्पियनसिपआव गासै गं 11 मेडेल देरहाबाय। जायनि फारियाव गंभै रुपानि मेडेलफोर

दड। हिन्जावसाफोरनि सिंगेल केटेगरियाव बयनिबो नोजोरा बांसिनै जुनियर वर्ल्ड नम्बर 1 तन्वी शर्मा आरो चीना अपेननि क्वार्टर फाइनालिस्ट उन्नति हुडुनि सायाव गोलैगोन। जेराव गोबाडनो फाइनालआव बिसोर सानैखौ सौहैगोनखौ मिर्जिंथिदों। एसियान आन्डार 19 नि ब्रन्ज मेडेलिस्ट तन्वीआ गिबि राउन्डाव बाइ मोन्दों, नाथाय क्वार्टर फाइनालआव बिथाडा इन्डनेसियानि 7थि रेंकिनि तलिता भियावननि हेंथायै गोखौ सेलेन्ज मोन्नो हागौ। उन्नतिआ 8थि रेंकिनि गेलेगिरि महरै जागायजेन्नाय राउन्डआव हंकेनि लियु हइजों सेलेन्जआव ओंखारगोन। हौवासाफोरनि सिंगेलआव नाथाय गोबाडनो गोब्राब नुहरदों, जेराव लालथाजुआला हमारआ बे फारियाव जोबथा 32 आव मुलुगनि नम्बर 1 टप रेंकिनि इन्डनेसियानि महम्मद जाकिजों सेलेन्जआव गोलैगो हागौ।

मुंदांखा फुटबलार एलिं हालेन्डआ फुटबलनि मुलुगाव जारिमिन सोरजिदों



अस्ल', 13 अक्टबर: फिफा वर्ल्ड काप 2026 नि थाखाय जायगा आवग्रिनाय लामायाव एलिं हालेन्डआ मोनसे जारिमिन सोरजिनो हादों। क्वार्टर फाइनालआव बिथानि हान्जा नर्वेआ इजराइलखौ 5-0 गलआव फेजेन्नाय समाव बिथाडा गावनि 50 हारिमायारि गल सोनाय थाखोसिम सौहैदों। मख'नाय जायोदि, 25 बोसोर बैसोनि

हालेन्डखौ लाफानानै दासिमाव गासै सा 6 गेलेगिरिफोराल' 50 एबा बेनिखुइ बांसिन हारिमायारि गलसिम सौहैनो हादों। नाथाय बिथानि हारिमायारि थाखोआव खम बैसोआवनो बेबादि मोनफुंनाय आरोबाव जर'खा मिर्जिंथि लाजागोन। बे मेचआव बेरेखा हान्जाया गिबियाव मोजाडै दिन्थिफुं'दोंमोन, जेराव

हालेन्डनि खेबसे पेनालि्ट शटखौ डेनिल पेरिटसआ होबथादोंमोन। नाथाय बेनि उनाव इजराइलनि हान्जाया गावसोरनि डिफेन्सखौ सामलायनायाव फेलें जादों। इजराइलनि इडान नासिमाआ सुचाइड गल सोनायनि सिगां हालेन्डआ हान्जानि स्करिंखौ फान्ने खालामनायनि उनाव हान्जा 3-0 गलआव आवगायदों। नर्वेनि हान्जाया बे मेचआव डिफेन्स आरो एटकिं मोनैबो थाखोआव मोजाडै दिन्थिफुदों। बेरफासैं इटाली, स्पेन आरो टुर्किआबो गावसोरनि लामायाव सिगांफारसे आवगायगासिनो दड। बे फारियाव अल्बानियाआ सर्बियाखौ आरो एन्डराया लाटबियाखौ फेजेन्दों।

आइजोफोरनि वान्डे वर्ल्ड कापआव भारतनि हान्जाया माखासे राहाजोंसो सौहैनो हागोन



खाबुआव दड। भारतआ हर्मनप्रित कौरनि केप्टेनआव दासिमाव गेलेनाय खेबब्रै मेचआव खेबनैयै जेन्नाय आरो

देरहानायजों मोगा-मोगि जानांबाय, जेराव हान्जाया 4 पइन्टजों थामथि नम्बरआव 0.682 नेट रान रेटजों जायगा

मोनो। भारतआ आरोबाव खेबथाम आन्दा मेचआव इलेन्ड, निउजिलेन्डआ आरो बांलादेशनि हेंथायै गेलेनांगोन।

बे खेबथामबो मेचआव भारतआ गिदिर स्करनि फारागथिजों देरहायोब्लासो सेमिफाइलाव सौहैगोन, मानोना बेबादि देरहायोब्लासो हान्जाया 10 पइन्ट आरजिनायजों लोगोसे नेट रान रेटआबो साबसिनाव थाहैगोन। जुदि हान्जाया खेबनैयाव देरहानानै खेबसेयाव जेनोब्लाबो जेनानिफ्राय बारग'नाय नड मानोना बेबादि जायोब्ला सेमिफाइनाल एट्रिनि थाखाय गुबुन हान्जानि सायाव सोनारसंगोन।